

晚

晴

移

詩

匯

晚晴簃詩匯卷一百七十一 目錄

袁利 二十二首

繆荃孫 七首

陶方琦 五首

朱善祥 一首

路朝霖 七首

黃遵憲 九首

孫詒燕 一首

何廷俊 一首

任錫汾 一首

李作霖 一首

王仁東 四首

李恩祥 二首

夏槐 一首

柯培鼎 一首

何之鼎 一首

李輔耀 二首

徐敦仁 五首

謝章铤 十八首

龍文彬 五首

何福堃 二首

翁斌孫 一首

孔祥霖 一首

宋廷樾 一首

董沛 一首

褚成亮 一首

晚晴移詩匯卷一百七十一

徐世昌

袁昶字重黎號爽秋桐廬人光緒丙子進士歷官太常

寺卿謚忠節有漸西村人集袁忠節遺詩

詩話忠節久在譯署周知四國庚子之變以不附和權貴直言觸忌倉猝被禍中外嗟惜平生博極羣書出入仙釋其詩意新味古兀傲自喜殆如其人詠吳山水仙王祠云千年薶碧終難化八月怒濤空爾爲又江流不盡興亡恨抉眼蘇臺鹿上時直自寫照後與許文肅合祀西湖詩中所說林逋秋菊水伯朱旌遂成讖兆

游靈隱次日作詩記之

少耽名山游欲乘龍蹻去昨游靈鷲嶺異狀難名數日行
閭浮嵐氣殷綠蘿上覆雲根孱洞中瘖虎伏何處洞外老
蘚緣梯斑世上炎歊峽中冷寒碧一勺牙生鋌峯峯石壁

面勢異大似伊闕雕孱顏梁穿唐鑿不暇詰神工鬼斧搜
天關辟支弟子已偉絕況有七佛難躋攀韜光苦縣篇第
幾縹緲溼翠浮雲間餘杭之勝天目最靈峽奔渟此山會
絕頂傳聞宵見日海門遙望濤如帶恩恩興盡未果游徑
壞奔泉鳴石瀨山僧劫後梵筵空惟有危樓卧古鐘事往
何人留鏤壁時清無鉢可降龍逃空早晚重來此待取秋
山霜葉紅

飛來峯一綫天

南戒何緣覓祖峯山脈潛移天不動毗沙夜半斫龍耳擲
下西方一壘空我行逢秋日林赤霜垂實胡僧何年卜居
此天扉微開一綫出削厓仰刮青頗黎佛光瞥見還易失
奇石粗沙足下生巖腹疑有山靈撐山囚鍊鑊木石精風

出空穴時一鳴坤乾雷硲剗復成千年崩石藤爲緼赤箭
青芝不可名煖呼游人谷自膺偃松往往蓋一畝老父夜
繫青羊行日欲落兮山罅合天光佛髻交冥冥

聖因寺行宮前銅鹿行

古稀天子六省方帳殿金扉照水黃當年故物獨銅鹿口
銜芝菌望幸長與二仙禽列爲四舊存其一今亡矣玉獅

盜去田蚡郎承露金仙應墮淚眼見陽和入八春

嘉慶己未宮中

時憲書猶稱乾隆六十四年

鑄始乾隆金幾斤更溯景陵遺老盡上方

龍象空煙雲摧牙落角苔花綠亂領妖耍應怒觸時來被

錦孤山陽亂定涸泥湖水曲枯枝猶訝長生脾蒼鼠嗥向

空壇荜精藍一炬守吏去賸有殘僧拾墮柴文瀾閣圯積

梁在書付秦灰誰續採睿思親解塵角譌文物當年盛淵

海宮前老翁曝背言今是乾隆幾葉孫
先皇不寶四白鹿再拜溪毛薦水溫

望嶽

何年湧地出龍從散作浮青數點峯
一氣空濛走溟渤雙丸隱見宿長松
誰探玉檢千盤頂試覓金仙九節筇
雲欲出溪還隱去紫煙待叩灌壇蹤

敬題朱竹垞毛西河兩先生合像

圖故為康熙辛巳鄭正睦作其時朱

先生年七十四毛先生年八十同游西湖先是嘗辨姚方興所得舜典廿八字之謬卽是年也此汪

璫重

撫本

康熙鴻儒傳者幾卓犖二萬

季野

毛胡

明先生

朱詞科布衣

數已未蕭山秀水夾江居頗聞漆書訟今古
析頭佚字疑有無
冤詞差不敵疏證經義一卷存圖
枳初晴八十猶甚

口瓜皮竹杖同浮湖吳興鄭生阿堵筆或腴而短頤而臞
公寮從祀究應罷郊配西向良非誣儒家得失每參半誰
其剖析鶴與鳬汪君手摹羅聘畫野服奇古形模殊東南
之美兩竹箭元氣壽與湖山俱

送施均父落第後之肅州從軍

遠樹相迎意黯然輕裝短製別華筵欲探烏鼠同巢野定
訪崆峒問道山祿利何堪受鵠嚇高才莫漫遺魚釜渚中
戰伐含飛動幕下陳琳正待賢

河西自古雄文物漆簡東京出杜林殊俗卽看顰面化經
生要蓄濟時心徙戎江統曾閣議對策劉蕡暫陸沈好去
晉公持節地朝正重入五雲深

竟陵

甲戌七月晦日

竟陵玉節擁朱輿涉厯艱難委佩餘西邸誰陳因果論東
平難乞短長書幅巾儻幸傳歸第華屋何人爲曳裾割肉
汙貂終得釋風雷掬爪事何如

送陶子纘歸越

森沈石簣倚金支翠栝陰中讀楚辭舊注好纂鴻烈解穹
碑爲訪禹陵祠枝言何用夸三耳飛遁終期法九師壓擔
奇書燕市去參差笑謝市中兒

涵秋閣詩爲嚴居士作

靈境含衆妙意林憑象構況聞吾子賢端居類巖岫回回
淩颺空槭槭翳永晝飛檻納浮陰暗泉挹丹溜疑非王城
棲風物濯穎秀下尋叢荻盡忽拓遙岑觀兀然坐忘客萬
有俱色授講解吾友于瓦罇偶相就大地運一舟彌縫無

罇漏卽此明遠心何殊食氣壽

南城有佳處潢水深幾曲仁斷游人至何殊鄭君谷煙中
人語靜微霜漬松竹時得劉龔來三徑放遠日朝聽東林
梵暝還西齋宿猶憐江上居荒池蔓寒菊我亦離鄉客社
燕思舊屋相期脫世議澹與返初服歲寒非峻節純懿天
所福

桐君孤嶼

危峯萃起削青成似有羣仙抗手迎日出常疑塔光現雲
來時挾溪聲行窗中一水浮衣帶洞裏三生訪石枰我欲
山中聽齋鼓安心未肯學屠鯨

懷餅公

曾斥邪蒿直講筵急難謀國匪身便譴何終抱此純白撻

戶獨草吾太玄

開公方開門讀易

老鶴冲霄碧空在一龜支榻氣

猶全平泉無數髯諫議歲晏直並松心堅

樊僉事家新作臨河小臺

寇巴東古英雄人樊渭南今文章伯用時腹中兵甲森欲
動寂時專氣致柔了無迹蕭然隱凡人海裏遊戲築臺聊
爾耳手治磴道洞扉開雲影花光天在水枕簟江湖步履
間餐嘯日月扶欄起凌空東接屬玉觀響聞西連尙冠里
中有據梧澹蕩人國論膏肓箴灸竢得道長生方兩瞳松
標婉變柔童子日草邊瑣百函書摺斥令僕海漚如薄晚
相從曲江曲約我登頓飛霞裾森森俠侍臺邊樹育育同
觀濠上魚自是澶淵卻敵手豈但騎鯨跨碧虛

哭黃漱老

人物方眇然耆舊日彫謝東甌箭竹盡孤嶼鴻鐘嗟風摧
長松標冰裂山木稼節操奄云徂國瘁運可詫憶昨接軌
儀培塿附嵩華交在方羣間披豁絕嬰假斜簪丹泚曲廣
譙西林下擊強秋鷹豪鉏奸夏日炙孤標朱游儔直聲李
邕亞晚慙濁世屯去辭京洛舍蕭然大梁游復稅鍾阜駕
挂席丹山陽開樽翠滴榭厓林陪逸興筇竹侍清暇欣披
卧游圖會合雙星乍星移不可論電泡俄觀化哭旣不馮
棺莫復不親弔浩然返太虛馭氣白霓跨國失一著龜遲
言支漏鱗臣今悼質亡里應爲社罷謂仲弢宮庶南冥劍弢鉞
有淚浩如瀉

南園錢公畫馬歌爲榕全尙書作

相馬如相士權奇常在骨國馬飢食玉山禾國士衣寒直

廬宿南園嶽嶽天人姿來自碧雞金馬池神凝氣斂風趣逸鐵漢端如劉器之帝有諍臣燭奸欺義所未安昌其詞

甯肯姸嬰作仗馬食三品料侍赤墀平生師友罕同調落

落傾襟姚與邵

錢公乾隆辛卯會試出姚惜抱先生門下爲湖南學政日語汪龍莊曰吾同年稀識

而從不預讌會在京往來止有邵二雲今在湘惟子爾

故其退食燕閒時落筆解衣

滂礴爲偶寫渥洼天馬姿風鬃霧鬣不可戰雙瞳夾鏡尾

卓錫散放煙莎丹稜陂不待刷燕而秣楚精爽方圓中矩

規旁有小駒相因依礪礪癢摩枯樹枝有如養到木雞候

正容悟物砭火馳一洗凡馬簸萬古雲煙過眼傳妙楮何

書物色偶得之長風颯沓生廊廡扈從木蘭油幕覩酌以

法酒捫馬乳榕公相士如相馬刮棄駢闕擢嫺雅今之相

者何舉肥南園寫真知者寡家世中朝第一人鎖闥校士

覓騏驎時危正仗異材出事往猶留翠墨新再持惜抱人
倫鑒網得渥洼真絕塵

和何尹憶雲林寺泉

蜺羅跂諦水神力移在茲何以西方空東方經蠹繙末法
三千年東西兩陵夷惟有萬古泉水碧溫流澌春深構飛
檻奇石乳巖垂定心足垂外不畏虎跡欺我曾木瘦瓢蒸
以丹房芝君亦汲烹之容顏發華滋閒雲不濟物何似在
山儀首六句言峯既自竺國飛來泉當與俱然今印度震旦世喪道道亦喪世積弱不振世與道交相喪也豈非天運耶抑中興正法待其人而後行耶

我曩入飛峯心迹雙蕭寂微言證璨可倦枕蒼石壁希微
九天籟汗漫三世隔瘴海今橫流何者爲我宅將毋歸稽
留不然棲大滌洗耳聽韶濩妍朱校仙冊夜汲一軍持玉

水方流液雖落塵網中金骨鍊營魄試招何尹俱割半垂
龍席各據一洞天袖方聊煮石

和友人吳山水仙王祠

巫史傳芭進酒卮長筵吹徹玉參差千年薶碧終難化八
月怒濤空爾爲配以逋仙薦秋菊從膠水伯閃朱旗江流
不盡興亡恨抉眼蘇臺鹿上時

幽憤

朝與蝮虺游暮與豺虎居劫掠長安中官軍不留餘黃巾
勢合離朝市成荒墟燔燒及城闕闐闐震綺疏九陌夜無
人出則防擊狙念我平生友換酒脫金魚塗窮各竄逸蕩
藜塞中衢阿誰裹飯問蹉躓因子與獨有于侍御陶再顧
華門廬壯我猛將援飴我行胥疏患難情倍親促坐願須

與皇天況甘雨灑我園中蔬憂蟲日以甦槁苗日以蘇摘
蔬更沽酒留公解飢餓

月暈知將風礎潤知雨至及彼未雨時綢繆桑土悴傾橈
易新棟敗壁圯早治何以危堂下魚龍陳百戲在位姑謀
樂棲苕無遠志不知火將燃不預庀戎器一朝青犢羣盜
弄禁壩地鬼兵請助我藉殲翎候使豈有垂天翼資彼羣
蝗翅豈有神武朝借力五斗米名言失正順敵釁挑攜貳
瓜剖而豆分危亡運自致

泰伯爲讓王采藥適蠻鄉開國稱至德周道日以昌禮烈
具勒長讓位有耿光奉曼珠應身神武天稱揚故鞭笞四
裔探筴卜世長不敢先天下老子三寶章何憂掃氛祲枉
矢貫天狼天眷有讓德艮維降之祥三陵望鬱蔥佳氣方

明倫彙編 家範典 卷一百一十一
十
未央梯附誓翊戴鞏衛干苞桑齊心奉聖主長御萬年觴
兵氣繇政秕亂萌繇志荒叛氓治昌披胡兵懲陸梁立國
自有本濟時豈無方尼父曰正名聖者道其常立石與僵
柳先誅睦議郎

繆荃孫字炎之號筱珊晚號藝風江陰人光緒丙子進
士改庶吉士授編修歷官學部候補參議有辛壬稟
癸甲稟

詩話藝風以校讐淹博名於時著書滿家刊訂古籍
尤多收藏碑拓至萬四千種自來金石家所未有也
題全謝山先生象

梨洲授四明史學冠當代先生尤卓犖識見越流輩微言
兼大義抗論必千載事蹟辨是非人材擬進退上可繼毛
朱下足開錢戴走也私淑殷遺書頗津逮祠堂拜公象靜

挹溫和態

祠在四明西關陸漁生前輩約同游贈遺象

梁君再示我又若聆警

教句餘搜土音端谿有遺愛我願摹萬本瞻仰同泰岱

游上方山

石梯三百級梯盡卽茅庵踞壁身攀樹窺窗影落潭聲聞
停梵唄呼吸盡煙嵐七二枯寮在何人十日探

古樹綠成海前山復後山參天多磊落拔地少彎環落葉
荒途裏空腔斷壁閒婆娑生意好點綴碧孱顏

西涯

涓涓細瀨勝塵沙路轉城陰水雨又蝦菜亭空荒渚卽藜
光橋古御街斜長空變黓天如墨老樹蒙茸雪作花

是日木冰

今古詩人多聚此玉延亭外卽西涯

題竹垞圖

舍南舍北盡牙籤萬竹陰陰綠到檐欲望九峯山色好小樓一角幾時添

後人慕古屢增修故址流傳二百秋劉井柯亭俱蔓草何

人道古訪瀛洲瀛洲道古錄未刻稟本在程萊厂同年處屢屬錄副未應

簪筆曾經侍玉鑾承恩畢竟少孤寒著書翻是還家樂我

亦歸田七品官

陶方琦字子縝會稽人光緒丙子進士改庶吉士授編

修有湘麋閣遺集

詩話子縝督學湘中以許鄭之學教士其治淮南子蒐采許注編詩羣書重還古本至再三屬草堪思銳力體日清癯李越縵答其書有云立志太專進趣太驟似問金玉之軀已資藥石之力云云於京師著有淮南身照鄰乞方何能止疾年四十卒於京師著有淮南許注異同訪許君年表漢葦室文鈔駢文詩詞越縵有送子縝南還詩云欵然聲價出江東力守經師雨漢風鄉國奇才如子少天涯落曉幾人同猶遲待詔

金門側常共深談漆室中朝野恬熙吾輩老憑誰上
策定和戎玉河秋色薊門煙翠黛離愁咽管絃騶旅
中年難作別文章孤唱更誰憐西風村笛旗亭酒涼
月夷花海國船料得故園重九會登高州憶有新篇
天隨其畫墨蘭云采采幽香遠欲聞鄭君書帶
與續紛虛堂客去風來候繞壁題詩總爲君

雲門自夷陵以詩相訊依韻答之

邇來風致日蕭疏還憶禾城判襪初料理吳淞秋作客消
磨官燭夜讐書有時曬篋留花脂何處看山假筍興欲擬
盪雲好胸次恐余牢落總難如

寄懷彥清中州時將有金陵之役

莫謂天涯遠而令問訊疏易成三載別難得一行書愛我
容兄事論文感紫居暮雲千里合雕眼倦應舒

嵩少名山勝君今杖策游紀程詩卷富題字古崖秋風月
梁園美關河越客愁垂虹秋色好我亦旅人儔

寄呈李越縵先生

思隨杖履集都門
花外琴書笑語溫
卜宅湖塘分柘柳
采風瀟水長蘭蓀
千秋中壘傳經業
一曲震川數醉痕
見說春城桃李豔
薰風何處不開尊

春暮登快閣與姚海槎親家茗話

師山相狎鬢蕭蕭
鏡深沼雨氣破蘋光
玲瓏走飛瀑廊垣
積春陰邃綠互回繞
此心恣澄靜聊以暢襟眺
觀幽覓餘綺園林
寫然闌寒風上春衣
遲花媚霽夕南窗敞
池水清光異金碧旁
入樓煙亭閒雲一爲集
游踪喜選密登閣
啟窗闌天光接遠水
綠盡見諸山林壑
互應接知我數往還
放翁雖千古逸唱同追攀

朱善祥字詠裳秀水人光緒丙子進士改庶吉士授編

修有紅藤館詩

宿武夷沖佑觀

移舟近仙觀散步值初冬落葉溪前路浮雲天外峯叩門
惟見月入院不聞鐘欲問昇真訣何人是赤松

路朝霖字訪巖畢節人光緒丙子進士改庶吉士授東
鄉知縣歷官河南候補道有紅鷺館詩集

萬歲峯

漢皇輦蹕事東封玉檢金泥飾幾重雄略能徠青海馬長
生欲繫鼎湖龍竹宮光照求靈藥椒室神來駐麗容登禮
嵩呼聞吏卒不曾流響茂陵松

早春有懷燕京

細雨霏微灑路塵客懷鎮日對松筠少年哀樂難爲別亂

世科名不救貧草色綠回江渚暝溪聲喧帶石灘春東風
又到千門裏獨倚闌干望紫宸

巴東

竹枝聲苦夕陽紅大舸輕帆趁晚風滿樹猿嘯江草綠行
人四月過巴東

陣圖聚石空陳蹟秋興歌詩足感傷詞客英雄兩銷歇江
聲和月下瞿唐

八月廿三日偕徐性臣

嘉禾

重游慈仁寺

七年不到雙松下勝地經過感慨重掃葉僧開明月徑繞
花人打夕陽鐘苔封古殿棲馴鴿雨溼空廊損畫龍猶勝
太平丞相碣白頭作記歎疏慵

又聽經聲到上方長明鑑下禮空王書攤漫說前朝市密

變爭看古佛妝
傑閣花深留美蔭
小池荷老賸餘香
盧溝行騎登高見
怕動輪蹄斷客腸

范忠貞公

承謨

銅印歌和黃再同

國瑾

紅螺山高鬱靈秀
太傅勳名在宇宙
入關一書贊皇圖
功比蕭何出其右
令子起家甲乙科
循聲兩浙騰謳歌
闔疆建節澄吏治
狹狷磨牙生風波
羈囚暗屋陷羅網
盡室豈肯污姦黨
同時更有錫山稽
慷慨捐軀世無兩
佩印流傳歷有年
觀公款識刀法全
莫問秦鑄與漢製
銅章夜夜光燭天
嗚呼信國硯蘇卿
節木魅山精不敢齧
不然印何纍纍綬
若若一寸頑銅烏足說
去歲探奇在洛陽
克紳方印曾評量
洛陽農人耕地得古銅印文曰行詔州總帥府事
印上有天興二年造五字乃金齊克紳守洛陽時
所鑄後殉蒙古之
難余有考存札記
今春拜識范公印
忠義千秋相頡頏
黃

君嗜古得精意吾廬碧血存天地辟邪作紐光爛斑上有
忠臣姓名字君不見商銀塗金劇有情摩挲朱記到儒生
三藩事往二百載至今人說范忠貞

黃遵憲字公度嘉應人光緒丙子舉人歷官湖南按察
使候補三品京堂有人境廬詩草

詩話公度負經世才少游東西各國所遇奇景異態
一寫之以詩其筆力識見亦足以達其旨趣子美集
閒詩世界爲古今詩家所未有也

寓汕頭旅館寄懷梁詩五 居寶

策策秋聲木葉乾百端蕭瑟入心肝顛風斷渡鈴能語古
月懸天鏡獨看未到中年哀樂備無多同調別離難巡簷
繞室行千徧剛對孤鐙又倚闌

海行雜感

稗瀛大海善談天
卯女童男違學仙
儻遂乘桴更東去
地球早闢二千年

青李黃甘爛漫堆
蒲桃濃綠潑新醅
怪他一白清如許
水亦輪迴變化來
食果皆購自歐美二洲儲錫罐封固出之若新摘者木皆用蒸氣一經變化無復悔矣

中年歲月苦風飄
強半光陰客裏拋
今日破愁編日記
一年卻得兩花朝
船進口東行見日遞速於半途必加一日方能合歷此次重日仍作爲二月初二日故云

星星世界徧諸天
不計三千與大千
儻亦乘槎中有客
回首望我地球圓
家書瑣屑寫從頭
身在茫茫一葉舟
紙尾只填某日發
計程難說到何州

溫則宮朝會

萬鎧懸耀夜光珠繡縷黃金匝地鋪一柱通天銘武后三
山絕島勝方壺如聞廣樂鈞天奏想見重華蓋地圖五十
餘年功德盛女媧以後世應無

寄懷左子興領事

秉隆

古人材藝今俱有卻是今人古不如十載勳名輔英蕩一
家安樂寄華胥頭銜南島蠻夷長手筆西方象寄書聞說
狂歌敲鐵板大聲往往駭龍魚

登巴黎鐵塔

塔高法國三百邁突當中國千
尺人力所造五部洲最高處也

拔地崛然起峻崢嶸百丈自非假羽翼孰能躡履上高標
懸金鉞四維挂鐵網下豎五丈旗可容千人帳石礎森開
張露闕屹相向游人企足看已驚眼界創懸車倏上騰仁

聞轆轤響

登塔者皆坐飛車旋引而上

人已不翼飛迥出空虛上並世

無二尊獨立絕依傍卽居最下層

登眺之處分爲三層其最下層高五十邁突當

中國十六丈四尺

高已莫能抗蒼蒼覆大圓森芒列萬象呼吸通

帝座疑可通肸蠁自天下至地俯察不復仰但恨目力窮

更無外物障離離畫方罫萬頃開沃壤微茫一綫遙千里

走河廣宮闕與城壘一氣作蒼莽不辨牛馬入沙蟲紛擾

攘我從下界來小大頓變相未知天眼闕么麼作何狀北

風冰海來秋氣何颯爽海西數點煙英倫鬱相望緬昔百

年役

西歷一千三百餘年法國絕嗣英王以法王四世非立外孫欲兼王法國法人不允遂開爭凡九十餘年

世謂之百年之役

裂地爭霸王驅民入鋒鏑傾國竭府帑其後拿

破崙蓋世氣無兩勝尊天單于敗作降王長歐洲古戰場

好勝不相讓卽今正六帝各負天下壯等是蠻觸爭紛紛

校得喪嗟我稊米身庭弱不自量一覽小天下五洲如在
掌既登絕頂高更作淩風想何時御氣游乘球恣來往扶
搖九萬里一笑我其儻

孫詒燕字叔芑瑞安人光緒丙子舉人官內閣中書有
望益齋詩存

隨侍止叟伯父謁孝陵和作

紫金山勢鬱崔巍勝國幽宮冷翠微石獸宵寒顏闕在銅
駝草長故宮非江東無復鍾王氣泗上由來有布衣麥飯
一盂何處覓西風落日悵魂歸

何廷俊字少仙號潛園昆明人光緒丙子舉人厯官河
南彰衛懷道有潛園詩草

丁巳正月二十日香山生日集十髮盒用香山喜入

新年韻分賦

搖落關河幾舊臣
新年詩酒過中旬
移情海水曲中趣
照眼花枝劫外身
洛社衣冠追往事
長沙風景聚騷人
齋名天鹿瓶梅吐
好訪桃源洞口春

任錫汾字逢辛
晚號拙叟
宜興人
光緒丙子舉人
歷官四川川東道
有拙叟詩存

宜興西北郭先彥昇公釣臺遺蹟

文章江左溯蕭梁
負郭長流五馬芳
蝦虎舊城曾保障
蛟龍潛跡此賢良
遺徽逮接袁公社
餘蔭遙攀召伯棠
終是南洲風俗美
永留故址歷滄桑

李作霖字雨人
上元人
光緒丙子舉人
直隸候補道

詩話雨人爲蓬橋大令
子曩游京師
屢相過從
嘗客張勤果宋忠勤二公幕
敘勞得官
晚應劉延年提軍

之賜游公路浦感溼病目
遂卒年方逾艾士林惜之

旅感

雞膠膠秋風長雞喙喙天欲霜機聲軋軋火光歧愁織
女星窺窗弄寒芒明河耿耿夜未央錦衾角枕橫空牀空
牀徬徨風淒夜涼雙心一袼妾衣君裳

王仁東字剛侯號旭莊閩縣人光緒丙子舉人歷官江
蘇候補道有完集賸稟

詩話旭莊初官內翰與兄可莊先生同在京朝時稱
二俊兄歿於蘇州旭莊以郡守待闕江南尋進階觀
察辛亥後移家滬濱鬱鬱不自得遂有心疾
居數年乃下世其女荇芬爲搜輯遺稟刻行

春意

逝水韶光盛會難仁晴仁雨意闌珊籬邊堆雪梅初落牆
外餘霞杏又殘社酒可賒思共醉春衣欲試怯輕寒勝游

已爽郊垌約萬紫千紅眼倦看

愚園過洪鷺汀故居感賦

淒涼重過故人廬苦茗澆胸鬱不舒
晝靜名園游客少天寒老樹著花疏
別來君竟長眠去亂後吾猶短髮梳
舊雨晨星寥落甚凭闌春色滿庭除

佚題

胡漢恩知自淺深苞敖往事久沈吟
錢王獨義羅昭諫不以唐亡有怨心

書懷寄伯姊

少年已去老今來一事無成亦可哀
客裏更逢寒食節八年不見墓門梅

李恩祥字吉珊河內人光緒丙子舉人官濟甯知州署

萊州知府有宜廬詩草

觀海

到此我方信江河一勺多樓通三島路日浴五更波風雨
孤帆遠乾坤萬象羅側聞天使下且住問龍鼉

乙春大姪來濟感賦

池草尙生春行吟夢不眞空教予有淚轉望汝成人鄉里
能安分親朋不笑貧西疇將有事行矣莫因循

紅豆

小雨霏霏種未遲春風門外易成枝祇嫌坐少江南客惹
起相思合寄誰

夏槐字廷弼號午庭廣濟人光緒丙子舉人官金山知
縣有綠隱堂詩鈔

有懷

料峭北風勁煙塵殷遠天長亭斜日路殘壘暮山邊季子
裘原敝相如病可痊有懷占夢數心共客旌懸

柯培鼎字岐甫平湖人光緒丙子舉人官福建鹽大使
有榕游草

舫廬

妙趣閒從物外尋舫廬幽寂傍寒潯桂移新種含生意蘭
蘊孤芳待賞音樓角遠山都到眼枝頭好鳥亦知心年來
詩力慙消退敢效南陽梁父吟

何之鼎字詠華平湖人光緒丙子舉人官樂清訓導有
青琅玕館詩鈔

幽居

露冷蟲聲急風高雁影微江淹空有恨王粲竟無依枯樹
淡詩思寒潮流夕暉籬邊開野菊晚節著芳菲

李輔燿字幼梅號定叟湘陰人光緒丙子副貢浙江候
補道有玩止水齋遺藁

晚興

高閣憑臨久殘陽度樹西綠涵池水定紅壓野雲低鳥爲
投林亂蟬因憚暑嘶夕涼招未得散髮卧蘭畦

子玖齋中夜話

璋分玦判各天涯又踏長安道上花可奈流年驚逝水偶
然小聚笑搏沙深談覆手難爲別涼漏催人轉憶家賸有
多情明月在照儂歸路影橫斜

徐敦仁字愛杉吳縣人光緒丙子優貢官貴谿知縣有

日損齋集

詩話成同間吳中人士多奉馮林一宮允爲鉅師愛
衫著名最早與柳質卿商賢王弟卿頗蔚葉劉裳昌
熾並稱高足愛杉獨淹蹇名場年四十始以優行貢
成均一任貴谿未盡所蘊而終譚復堂獻嘗贈以詩
云愛杉如古賢志欲爲世用歌哭千秋心文章九鼎
重白眼濁醪空青春芳草夢三萬六千頃胸次與誰
共可以證
其風槩

游廢寺

草長數丈高於人病僧如丐出應門金剛身壞樹生腹蠅
蝠亂飛疑黃昏浮雲盛衰爽若失散愁惟有杯中物醉後
狂歌聲如龍嚇倒門前米汁佛

苦熱

火龍施赫蟠晴穹煎燭萬類薰熾熾我時憚暑不敢出終
日枯坐如癡聾解衣盤礴成裸國束髮髻紛猶兒童屋中

灼爍尙有然何況隴畔耕田農昔我絕塞居蠨螭號寒所
苦惟隆冬盛夏無事竹簟展卓午尙可綳絺蒙頗笑南北
殊氣候赤帝怕度關山重今來此地作熱客追暑無術增
煩衷因思世事有反覆盈虛消長情難同昔如文物聚上
國被服儒雅多雍容今如擾攘值標季戈戟馳突相撞衝
秦法煩苛漢寬大如環無端相始終物理乘除類如此胸
中冰炭終無庸

經沙陀作

一旅勤王卷甲趨竟能殺賊入冤句李花又結他家子蒲
草重生隻眼苻徐勣有功還賜姓孫堅生子實開吳搖鞭
問向沙陀過猶見鶚軍日暮呼

過峽

奔流直下下牢關峽束重重探百蠻峯峻石穿天上路灘
高浪滾雪中山人同虎豹分崖住身與蛟龍奪命還深夜
一鐙照孤睡甕頭人鮓夢刀環

峽中當無灘處舟行亦平喜作

漫言三峽皆奇險亦有平漪百里餘沙輭客行江底路日
斜人釣石中魚酒斟琥珀燒愁壘窗拓琉璃讀異書一樣
客懷差可喜小詩自寫滴蟾蜍

謝章鋌字枚如福建長樂人光緒丁丑進士官內閣中
書有賭棋山莊集

劉芑川曰秋宵不寐聞魚龍叫嘯之聲與風雨相應
若有拔劍而起暗啞咤叱凡案皆鳴此則枚如之詩
歟

詩話枚如道光間卽以詩名亞於張亨甫久則名場
及通籍年已六十時方多故抑塞磊落之氣悉發於

詩雄深鬱律可稱閩越鉅子集中論詩絕句三十
首仿遺山體專論閩詩略古詳今頗寓闢微之旨

宿小金山塔院

夜氣當樓白高天易得秋星爭漁火出風挾海雲流軍府
方多事煙波有古愁應憐一樽酒撫髀欲何求

自題聽泉圖

潺潺一片去何之此意蒼茫獨坐知至竟清流成底事在
山遙想出山時

感懷漫書

山陽宿草怨飄蓬瘦日無光泣雁鴻九死人間惟我在萬
夫意氣爲誰雄豈知劉向還青眼更覺黃滔有古風遂使
西州門外路銅絃重唱大江東

鸞鶴無聲天際來海邊駿骨久蒿萊鄭虔苜蓿嗟何極楊

僕戈船事愈哀宮府誰關天下計山川苦憶古今才飄零
文字猶如許崔蔡應知泣夜臺明崔西叟蔡同野俱以詩
鳴於甯德今遺集多不可
問矣

許米友墨蹟

紫藤巷中紫藤花中有仙人凌紫霞桑海歸來散白髮
瓣香遙禮玉皇家九州破碎無完土夜夜巷前急風雨何處
高歌不鬼神暮年噩夢猶龍虎一紙盤拏淚滂沱似此人
間可奈何青山大是無情物金陵王氣驚銷磨獨立掉頭
不得意槎枒肝肺淒涼字九死終歸平遠臺才名三絕成
何事箕尾無光風蕭蕭想君擲筆吟大招我讀君詩青衫
溼石頭又報烽煙急

悲秋吟

天地忽而變態兮日月黯其無色登高望遠而躊躇兮哀
百年於頃刻一解山川既以破碎兮路迢迢而莫能止風何
爲而狂吹兮雲陰陰其屢起二解喬松憔悴而竟折兮嗟蘭
桂其將誰恃鳳凰逝而千里兮愴燕雀之相視三解九疑惝
恍其何處兮吾將企蒼梧而望之斲斑竹而不使生兮祝
二妃之長無恙也四解

孤花

一點芳心尙未殘亭亭獨立俯雕闌金鈴十萬春如海忽
覺人間位置難

題黃九煙

周星

集後

蘭芷不芳已千載九疑雲雨悲眞宰黃公崛起讀離騷把
臂靈均出桑海烈皇被髮上釣天辛苦宵衣十七年幾輩

榜花書淡墨何人大樹畫淩煙黃巾白梃紛流涕苦李枝
高壓門第鉅鎮告身歸命侯屏王閨位奈何帝銀魚金槐
委山邱汗漫安能更九州閨風殿下萬言策白玉樓中五
月秋飄零且看揚州月燕子春鐙夢瑤闕法曲猶彈得寶
歌新詩久痛無家別神仙才子半荒唐萬事蒼天付渺茫
牛馬隨人充下走芙蓉無地禮東皇青蠅作客供憑弔黃
鶴相逢莫嘲笑偶傳六義向秋波可有一戈揮夕照南國
是時總可哀羣公聲價鳳凰臺譙周家世修降表庾信關
山逞賦才白下登高獨回首斑斑竹子湘江口三戶銷沈
博浪椎一癡爛醉蘭陵酒蕭疏華髮忽心驚老死何顏入
北京願從陳繼稱同調不逐歸莊浪得名墓銘手寫歸何
處解脫應騎箕尾去北渚風淒弔屈辰西堂夢冷傷嵇句

平生嫚罵眼誰青
芻狗幽齋一客星
且署頭銜前進士
忍拋腳色小朝廷
素冠永謝流離子
七十二湖清若此
宋玉重來賦大招
彭咸相見應狂喜
崛健人間略似人
百年養士有孤臣
騷魂嗚咽指薇蕨
話罷庚寅話甲申

過諫草堂懷張亨甫

際亮年丈

生前揮淚弔金臺
何處青山駿骨埋
賈志功名中壽過
痛譚利病一尊開
九州無敵吟詩手
異代相憐抗疏才
寂寞騷魂依諫草
茫茫今昔總堪哀

疊韻答蔭廬

何時理薄裝歸家
種杞菊飄零向萬里
顧影偏愁獨接坐
得清交措辭不忍俗
高情兼古今說士甘於肉
蓋棺朱伯韓投簪
鄭小谷嗟嗟桂林山
鬱此孤香簇勿豔詩家名
應

造蒼生福世棘思傳人感慨流光促鳳凰志干仞籬鷄何
足辱願君襲幽蘭樹德置郵速回首培遠堂肯負著書屋
六翮風暫羈三年艾須足素心託黃花耿耿雙明燭

由東峯至落雁峯

忽逐飛雁同高舉眼底何曾有險阻諸峯俯首一峯尊清
渭濁河渺何許金銀宮殿接上方空中偶墜仙人語不知
前身果何屬笑折蓮花問玉女洗頭盆小天池枯但見危
梁竄蒼鼠禮官威儀有盛衰神靈真氣無消沮小草都因
雨露奇野人輒覺鬚眉古吁嗟我本謝家孫到處能爲青
山主如何作詩不驚人欲追李白尋初祖

招炯甫穎叔張聽菴

樹葵

觀察飲杜少陵祠

杜老祠堂清淨地狂談無礙古人間好山尙有濃青在枯

樹曾經劫火焚將相致身真不早干戈滿目更何云長安
酒價君休問幾處終南日暮雲

疊韻和霞舉并視穎叔

野草撐白骨悲風送寒花天意賤芻狗物變催蟲沙誰憐
孤鳳驚翻爲二鳥嗟捫心兀自熱攬髮驚已華侈口說名
山千秋能幾家路鬼或挪揄村童方呶啞勞筋積塵土槃
澗愧煙霞

劣性少面交歧途任腹笑龍伯不量力六鼈引巨釣觥觥
稽呂徒慘慘蒼蠅弔快彼汗漫游塞我混沌窟新觴續古
歡虛因望義難離合家國心對鏡懍孤照同爲關山客忽
駭東門嘯

正月十六日杜茶村先生生日同炯甫雪滄集穎叔

歐齋以目闕盯畦分韻得畦字

殘山不成壁荒園不留畦朝出唱迷陽暮歸聞子嚮卓哉
茶村叟鬱爲周遺黎心肝自倔強鬚髮任排擠精魂戀文
字千秋首肯低庶騎黃鶴來念往意愴悽蓋棺欲作誄旁
無黔婁妻有子歸異教麥飯絕幽棲酸吟出苦口不飽如
寒蠶佳日非汝有獨夜知天倪孟陬月初闕詞客開高齋
四壁羅古獻斗山相與齊魯酒非盜泉允宜先生噉叶頽
唐亦老手刻意闢恆蹊一歌秦淮曲百金賤如泥

將之鹿洞主講留別陳伯潛同年

紀羣交誼在設醴及迂疏附汝青雲後嗟予白首初求才
期報國立論可成書方寸嚴涇渭靈光不礙虛

平生吳季子捷徑畏泥塗每笑羊頭爛還憐虎氣麤論交

誰似此薄俗更何如四海方多事黃墟永慟餘

向日崇微尙消磨百不如艱難走牛馬瑣屑誤蟲魚益友
存無幾虛生愧有餘知君行役處離夢到匡廬

龍文彬字筠圃永新人光緒丁丑進士官吏部主事有

永懷堂集

詩話筠圃幼喪父母其大父母育以長有至性敦行
勵節不稍隨流俗熟明事嘗纂明會要八十卷一代
典章網羅甚備

偶書

古有李道士相傳八百歲功業杳無聞徒將甲子記深山
有木石厯久或不徹畢竟塊然存淡漠亦無味好學推顏
子治安策賈誼其道不能死生氣滿天地

舟泊茶陵

一水孤城抱微風
漾夕波夢搖雙槳
碎愁比亂山多
笳鼓鴉聲急雲天雁影過
欲傾賈生淚拔劍不能歌

鄱陽湖櫂歌

白旂黃屋戰當年
徹夜魚龍不敢眠
萬頃波瀾猶壯闊
蕭蕭楓荻瑣寒煙

大舟泛入碧琉璃
小艇搖搖夕照西
一曲漁歌秋色晚
賒將明月唱銅鞮

康山廟祀開平王
五老峯高太白堂
才子英雄渾不記
高低酒價問都昌

何福堃字受軒
靈石人光緒丁丑進士
改庶吉士授編修
歷官甘肅布政使有午陰清舍詩草

過廬生祠

不入黃梁夢會如夢裏看本來空色相何處著悲歡得地
棲鴻爪隨天付鼠肝笑他題壁客饒舌向邯鄲

明遠樓晚眺

風雨西來疾似梭
髮時秋色滿關河
蒲桃舊醉沙場酒
勅勒新翻壯士歌
遠水白隨平野盡
夕陽紅到半山多
此心頗涉凌雲想
曾記霓裳詠大羅

翁斌孫字弢甫常熟人光緒丁丑進士改庶吉士授檢討
歷官直隸提法使有笏齋覆瓿集

贈王耜雲中丞

慶平

汾水秋風夢影非
不堪血淚漬臣衣
鞞刀空効李光弼
華表還驚丁令威
東海揚塵行復見
西山采蕨分長饑
避秦何處桃花水
漫說江南一櫓歸

孔祥霖字少霑曲阜人光緒丁丑進士改庶吉士授編修歷官河南提學使兼署布政使有強自寬齋遺稿濟南道中

背指斜陽暮長途覓短吟樹間蟬韻急泥沒馬蹏深煙暝團遙野燐青認遠林新秋涼一味羅袖未能禁

宋廷樞字子材晉甯人光緒丁丑進士署建昌知府有賦梅書屋詩集

偕朝鮮貢使趙荆峯玉坡游望湖亭荆峯賦詩次韻

酬之

長笛聲中共倚樓重湖風景一亭收周郎舊迹閱終古蘇子豪吟題上頭極目關河歸塞雁忘機主客對沙鷗不辭勝地親相引貪看紗籠妙句留

董沛字孟如號覺軒鄞縣人光緒丁丑進士官建昌知縣有六一山房詩集

示舍弟

寒雨蕭蕭對短檠高樓永夜讀書聲一門與爾兼師友四海何人更弟兄誰信牛車傳異事幾聞馬磨託營生德星堂外花無恙願祝春風護紫荆

施均父孝廉

補華

從軍河隴追贈以詩

高秋匹馬賦西征萬里關河壯此行長揖軍門稱上客亂題詩壁有邊聲料量星海番戎界變置天山郡縣城期爾凌煙書姓氏他年誰識魯諸生

褚成亮字叔寅餘杭人光緒丁丑貢士有校經室遺集

詩話叔寅年十七卽工詩旋舉於鄉五應禮部試始得通籍以疾歸踰歲卒未及廷對年甫三十有三

海上秋感

鄉關何處斷蜚鴻江上行吟歎緒風玉井銀牀憐宛轉碧
梧翠竹動高空已聞瀚海吹羌笛誰向昆明問漢宮苦憶
南溪雲物好十千沽酒慰飄蓬

晚晴移詩匯卷一百七十一終

晚晴簃詩匯卷一百七十二目錄

宗室盛昱

七首

楊文瑩

五首

楊晨

四首

王仁堪

六首

毓俊

二首

顧印愚

九首

吳受福

三首

郭曾炘

五十七首

于式枚

十九首

徐琪

四首

何乃瑩

五首

朱福詵

五首

王懿榮

二首

左紹佐

五首

安維峻

三首

王頌蔚

九首

王蘭

一首

龐鴻書

四首

黃紹箕

十五首

王詠霓

二首

鄧嘉純

三首

袁鵬圖

一首

毛澂二十四首

顧蓮一首

楊依斗一首

晚晴謠詩匯卷一百七十二

徐世昌

宗室盛昱字伯義肅武親王豪格六世孫光緒丁丑進士改庶吉士授編修歷官祭酒有鬱華閣集

詩話伯義博極羣書尤練習掌故徐梧生嘗云每聆伯義談朝章國憲下逮一名一物之細咸能詳其因革以推見治亂之跡當世殆無其匹居官十餘年論資當致通顯乃以直言取忌謝病家居築意園自娛又十年乃卒著有八旗文經多有關掌故身後遺藁散佚卽詩集所存亦僅十之三四耳
題所得黃小松歷下日記冊子

平生五嶽志跼跡一閩內西履屨題顛東至田盤背縱橫
四百里牛轉螳附磴最錄天下碑一一識所在脫戰事幽
訪寰宇先嵩岱黃翁歷下記真跡雜圖繪今年落吾手做
帶百朋貴乘輅來此邦得兆若靈蔡泰山不北移黃河忽

南邁落落山水緣坐令俊觀陰明湖晚揩鏡鵲華秋擁黛
譬彼人士佳不在聲名大願爲十日留芒鞋易冠蓋千佛
手拓新萬紙歸裝載斥鷃笑鵬鵬天地本一芥

題廉孝廉小萬柳堂圖同鳳孫作

北人入中土始自黃炎戰營衛無常處行國俗未變淳維
王故地不同不啻竄長城絕來往啞啞南北雁耕牧風俗
殊壤地咫尺判李唐一代賢代北殷士裸遼金干戈興島
索主奴怨真人鐵木真一怒九州奠畏吾廉孟子秀出中
州彥煙波萬柳堂裙屐新荷讌詩書澤最長胡越形無間
色目多賢才耦俱散州縣汴上石田集淮南廷心傳終憐
右榜人不敵怯薛健臺閣無仁賢天下遂畔亂沙頓亦名
家淒涼歸舊院文正孔子戒哲人有先見至今食舊德士

族江南冠孝廉尤絕特翩翩富文翰薄宦住京師故國喬
木戀堂移柳尙存憔悴草橋畔當年歌驟雨今日車飛電
繪圖屬我題鋪卷淚凝霰我朝起東方出震日方旦同此
神州民昏姻柯葉徧小哉洪南安強分滿蒙漢閭闔生齒
滋農獵本業斷計臣折扣餘一兵錢一串飲泣持還家當
差贖弓箭乞食不宿飽敝衣那蔽肝壯夫猶可說市門嬌
女歎奴才恣揮霍一筵金大萬從龍百戰餘幽繫同此難
異學旣公言邪會真隱患興凱入彼界鐵軌松花岸北歸
與南渡故事皆虛願聖人方在御草茅誰大諫起我黃帝
胄毆彼白種賤大破旗民界謀生皆任便能使手足寬轉
可頭目捍易世不敢言當時亦清晏武肅墳上松百畝垂
條幹萬柳補成陰春城綠一片載酒詩人游嘉樹兩家擅

捉御史

車如雞栖馬如狗繡衣使者蹒跚走車如流水馬如龍四
姓小侯行鬪風黃塵薄日長安路玉勒珊鞭競馳騫騶唱
之儀不聽前紛紛旗校影纓怒亂箠撾馬馬橫觸進退倉
皇眞擊轂旋抽左右又參差我未斷鞅君脫輻大瑞喊怒
盆來前一僮一僕繫送官觸忤粉侯罪當死又向車中捉
御史御史觥觥立殿中南臺況復稱端公翁主猶須避赤
棒貴游孰敢干青驄千步清道九華蓋王公皆當頓輓待
奈何翻欲截角來憑藉張皇毋乃太聖明四海方照臨強
宗乃爾相凌侵朝廷不惜赫赫法御史偏有休休心揮鼠
輩竄等閒耳細事何須告天子旁觀父老亦咨嗟還是大
臣知大體戢冠怒馬猶斷斷暫從亭長赦憲臣亭長叩頭

還告語今朝姑縱御史去

九日與杏儕登塔岡

象教已無力巍然塔尙存登高酬令節落日滿荒原未藉
扶筇健無妨坐石溫江村老博士相對澹忘言

失題

欲遣天驕識漢官詞臣仗節亦登壇頗聞塞上收千落已
信軍中有一韓從古河源歸部下同時人望惜朝端聖明
恩德遐方被莫便氏羌一例看

近日秋聲不可聞岐亭難制淚紛紛中朝誰決澶淵策諸
將仍屯灞上軍一障何時能畀我九邊今日或須君玉河
衰柳休攀折留著長條綰夕曛

和鳳孫韻兼呈雲門同年並寄鑑堂督部

長安塵土馬如飛兀坐敲詩我輩稀幸有文章通性命不
緣離亂得因依排除黨論粗聞道報答君恩祇有歸間架
未與人稅緩帆益松火樂柴扉

楊文瑩字雪漁錢塘人光緒丁丑進士改庶吉士授編
修有幸草亭詩

譚仲修曰君少丁大難出死入生性行之鬱鬱者觸
物即發無斯須忘壹寓於文字有變風小雅之流別
通籍奉使更感時局之日非知獨弦之寡和歸隱不
出逡巡老矣詩數百篇殆所謂不得已而作者往往
如見古人
詩話杭州庚申之亂雪漁一門母妻兄弟二十七人
同殉於火孤生僅存述難十二章哀痛潛怛入翰林
一典湘試旋視黔學告歸憂生念亂寓於篇什題左
文襄遺像云九鼎一髮今何時吳子修跋其集稱爲
語長心重黔陽雜詠五十首網羅故事亦
皆詳覈雅擅書名晚尤超軼鄉里重之

澗石

天生澗底石頭角何巒然久久與水鬪不轉亦已圓
石資水磨磋鋒斂無外炫水東石向西雖圓誓不轉

重宿江郎山下逆旅

由浦城奉
兄喪歸

千里歸喪行路難天涯涕淚一身單樹經久雨盡情碧月
照愁人特地寒多故長途恆失睡大難來日強加餐江郎
壁立空依倚山色回頭不厭看

信陽道中

水田碧氣溢四圍白鳥得意雙雙飛我今驅車渡淮水風
物頓觸江南思丁戊之災一何酷天公幸錫年來熟豬雞
肥大稻頭麤黃茅矮屋兒呱呱

片雲挾雨火急行南村忽陰北村晴百里外見黽阨山峯
尖正與吾眉平沙石犂确路紆仄投驛停車日已匿僕夫

爭餅飢火煎驅蚊馬糞燒青煙

楊晨字定夫黃巖人光緒丁丑進士改庶吉士授編修
歷官給事中有崇雅堂集

石梁古松歌用洪右臣前輩古槐韻

金枝翠羽搖晴空神仙出沒明光宮忽遘罡風墜靈杖蒼
髯拂拂如虬龍騎龍仙人入雲去老向空山飽霜露上枝
盤鬱紛攪拏下枝化石形杈枒山深無人萬籟靜獨鶴歸
來月斜影一聲清唳立霜梢喚起人間塵夢醒老僧披衣
出茅堂手攀古藤渡石梁下觀飛瀑亦長嘯爲我說偈三
千章華頂峯高斷樵路片片白雲從此度祇愁夜半風雷
鳴飛作神龍不知處

湖墅

扁舟散髮欲何之早向煙波理釣絲一曲鑑湖雙槳入四
明狂客幾人知桃花水暝魚初上蘆葦霜清鷺共持擬傍
水仙祠結屋棹歌歸趁夕陽時

登豐山有感

豐山東走勢蜿蜒海月江風入暮天剩有孱王傳逸史幾
經名士結吟緣洞中蝙蝠多棲壁峽口盤螭欲噴泉太息
滄桑真一瞬後人誰念鄆譙田

漱巖歸示憶鑑湖詩次韻奉答兼訂後約

誰言河廣不容舠草草歸人未覺勞恰值一湖秋水滿同
看萬丈月輪高先生亦自耽詩癖今世何曾罷議曹肯許
重陽共登眺莫嫌落葉受風餐

王仁堪字可莊閩縣人光緒丁丑一甲一名進士授修

撰歷官蘇州知府

詩話康熙朝陳苑廬侍郎工爲應奉之書直內廷御製書序碑文繕寫多出其手時巡慶典歲朝令節諸臣進册咸以筆札擅長袁簡齋爲趙橫山墓志稱其楷法秀潤如鋪春雲蓋中葉前殿延試卷未嘗不兼重書法特功令尙寬往往各從所習游刃自如張文敏壁馬傷臂至以左手作書人服其工嘉道以還體格日趨謹嚴排比益求精整莆田郭蘭石昆明趙文恪最有名日能作萬餘言翰林禁經千祿字書遂成風氣蕙定庵作干祿新書序雖主文譎諫而所列選穎唐碑習此者所有事也前賢多摹法帖至同光間則目因習此者無不可斂縮以前賢多摹法帖至同光間則隋唐碑版無不可斂縮以前賢多摹法帖至同光間則邵羅名墨助其光氣擢高第者望而可決若明人制藝之謝元鑑士夫束縛於是寢違古法而自具流派後亦少懲其弊比而論之亦一代故實也可莊師以毀撰負書名爲時所稱在詞苑夙著清望山守兵中聲績爛然年未五十以勞瘁卒官國史入循吏傳洵無愧色

乙酉使黔與楊雪漁學使同年游甲秀樓扶風寺瞻

陽明先生象賦詩志別

萬里事行役健僕猶骨肉況我金石交三年手重握握手
各一笑感物翻萬觸秋氣互沈寥天宇晶於玉如何太清
表時有微雲屬霜高鷹隼盡木脫川原蕭薄寒陰始凝秋
土權易促契闊能幾時須眉見老宿仰囑北斗光空庭夜
躑躅

馬首駸駸來隨山西入黔山氣上眉宇地傑雲崎嶇君來
振宗風辛苦儲梗枿芳暉灼幽谷偃曝無寒林我來述祖
德橫舍稱猶今遺研澤未艾冰鑒懷難諶風雅別僞體慄
慄維初心細甚愧僭管大哉君離琴協律苟不忤誰曰非
同音

山陰七里瀧幔亭九曲溪鄉邦盛文藻樓觀金碧輝人巧
天乃奪無此形模奇羅施山水窟造化渾厓巖將毋太古

璞遺置西南陲想見山阿人美質昭無虧家丞落秋實季
女愁嫺飢菑畚秉經訓誨育疇兼施高山仰文成吾道人
天師

清晨撤輿蓋對雨登山樓危闌闌外森爽凌高秋便坐
畫圖出迴漪風葉流帶郭千萬家茨屋猶牽舟爲憶全盛
時生煙城樹稠萬方感一慨蹠敝黔中尤振民首士氣何
以紓煩憂蒼蒼遠色至離思飛光適將子翹秀心歸慰雲
霞儔

答弢甫同年

矯若金羈脫玉驄驚人還我氣如虹誰知旌旆悠揚意轉
在車箱閉置中肺渴更無千丈露步虛饒有五更風玉梅
不道過三九一夕清尊未許同

行縣觀稼

生小恃游宦耗粟蠹天庾家無一尺田豈識農田苦賜牒
領江郡舉帷課晴雨我來四月中烈日龜坼土新秧寸黃
萎渴比嬰失乳天不絕吾民解懸賜甘醕桔槔聲漸和錢
鎛效微睹如何桀桀苗生此穉穉羽捕蝗如捕盜連鄉整
囊鼓惟螟獨陰賊潛據心自腐剔之不可盡祈佑神所主
盼到禾豆花歡若珠璣吐一夕起陰霾彼蒼胡憚怒忍令
部屋豐坐聽山風蠱存者蓋已僅登場日可數夏旱秋轉
陰穀爛芽先弩哀哉一粒粟受此百摧侮長官料穀數還
口十得五舟行見炊煙嗟我民力普甌窶祝未央鳩扈職
何補三復伐檀篇改容對農圃

毓俊字贊臣滿洲旗人光緒己卯舉人陝西候補道有

友松吟館詩鈔

擬韓昌黎山石

山石聳翠橫翠微瀑布灑落銀蚪飛銀蚪噴水洗石磴山
草濃綠莓苔肥我生酷有山水癖但恐人世知音稀手撥
煙霧入古寺僧具蔬筍療我飢借宿短榻不知曉杲杲初
日光照扉上窮峭壁下陰谷幽篁古木煙霏霏山禽繞樹
老猿嘯陰崖森森松四圍白雲相逐登絕頂千仞高岡振
我衣一邱一壑自行樂何必如馬常銜韉山嶽竦峭隴騰
笑櫻情好爵胡不歸

寶珠洞晚眺

清秋曳杖登翠微野客閒逐孤雲飛絕頂古寺磬聲寂夕
陽在山僧未歸

顧印愚字印伯號所持華陽人光緒己卯舉人官湖北

知縣

詩話印伯爲張文襄所賞拔詩蒼秀雋雅自宋入唐不作凡近語

題程穆庵石巢讀書圖

帶草榮書石聽詩舊安巢處鳳棲枝
穎居叔黨能爲賦籀注游秦早決疑
佳日林亭良不負清秋篇什最相思
打鐘掃地尋常事過客光陰讀畫時

病中岳二兄朝夕臨過兼聞鄉訊感賦

病榻來過風雨交應時不已自喈嚶
萬竿惡竹誰從斫一曲清江莫定巢
天上虛傳清暑殿人間甯有孟城坳
側身四望歸無所聯句城南豈愈郊

答洛生七弟見懷之作次韻

當年大母煦諸孫今我生孫解候門無以爲家行未已不
遑將母疚難言夢中俯仰何身世病裏扶攜倚弟昆還見
新詩獻康樂鳴翁春草得重論

辛亥歲長至小寒節間羅四峯兄每從漢皋還菱湖
樓居輒過敝寓留連置酒不減杜甫之於蘇端也
寄愁埋照月三弦過隙沈沈井底天誰道夢中猶識路劇
憐寒盡不知年渡江名士仍流寓飛矢行人未解懸枉愛
蘇端能數過雞鳴風雨濁醪前

岷江

觴盞鵝村注岷搖西波東漸畫南條海門組練樓船入蜀
陣風雲石薤標郭賦臣唐人代改禹書匯漾地形遙巴流
學字郵無字望盡吳船萬里橋

得節盦海上書卻寄

代不數人能幾見去去江空歲年晚閉門一字不堪煮無
補費神詩作蹇西風盡夕城滿塵帶水沸潮消息斷十七
柳凋十桂爨更間菱湖與桐館風花一瞥旋成毀那及黃
樓醜魏衍書來海上如說夢自在人間已枯苑斷雲含雨
向何許淚眼不晴天不管布衣許身老轉拙失計殘年難
飽飯履綦故蹊綠苔滿子甯不來夢當返小別千年萬山
遠

晚眺明月橋南石步間偶題

沙坪殘草伏雛雙明月杯湖帶石在
我酌長瓢從漫叟天
然祕色舊雞缸

過景桓樓故址感賦

景桓樓角織烏寒鐘漏音沈壁畫殘宵省獨來迷處所記
從高處凭闌干

重到京師感賦寄程穆庵

鳳城平日萃公車回首蘆溝歲月賒退谷儘容孫北海麓
堂莫問李西涯價留鐙市前朝扇香散斜街曉擔花贖與
放翁評世味白頭騎馬客京華

吳受福字介茲號璉仙嘉興人光緒己卯舉人有小種
字林詩藁

詩話璉仙父少村中丞昌壽起家牧令屢殄劇寇鳴
琴所至抱鼓無聲游撫鄂豫時值軍興拊循禦具
有勞伐平生方介廉潔位至封圻家仍儒素璉仙一
舉賢書不干祿仕篤行貞操雅有父風國變後易道
士冠旋悲殤
子鬱鬱遽卒

明姜給諫

塚

宣州老兵硯爲陽湖左社文孝廉

運奎

題

昔也居諫官起草曾侍惠文冠今也爲戍卒枕戈待焚君
苗筆不以囑蛟龍不以鋤榛莽給諫別有硯銘云爾有目
蛟龍之窟不能囑我有鋤
榛莽之園不能除 氈裘毳幕溷廝養此石遭際抑何枉遐想當年
黨禍侵烏臺風骨爭森森役車蒼皇猶未赴神州胡乃先
陸沈吁嗟乎石齊斷碑誰所守鄭生天風汝其友一坏荒
土敬亭右硯今終古與之長不朽

胡笳鄰饒晚翠亭圖

林木似名節斯言契道眞清芬覩厚澤小築絕羈塵楊子
草元處吾邱學古倫杜門忘世味珍此歲寒身

酬劉語石明經炳照

我厭四民窮天荒地亦老溝壑未填委乾坤倏顛倒世變

何倉皇氓蚩迷昏曉竊慕邵平瓜不求安期棗班荆逢故
交袖詩惠我橐相見如顧頴豈復矜詞藻春波起歌聲高
情抗雲表任運勸委心靜觀祛煩惱明哲古訓遵桑榆蘄
共保

郭曾忻號春榆一號匏庵侯官人光緒庚辰進士改庶
吉士授禮部主事官至典禮院掌院學士諡文安有
匏廬詩存

詩話匏廬爲禮官垂三十年兼直樞垣洞明掌故其
請以願黃王三儒從祀孔廟爲庚子直諫諸臣請謚
力爭滿員從漢服制先後三疏爲世傳誦辛亥後始
致力於詩輯所作爲亥既集丁卯續成徂年集雲萍
鹿麋滄趣序其詩謂婉至類遺山沈厚類亭林此於
其性情見之實則深於杜詩不必規規趨步而神與
之合至其見聞翔實寓史於詩滄
趣謂一代獻徵之所寄誠篤論也

和畏廬夢謁梁格莊梓宮作

燭火星星遽燎原酸心板蕩此乾坤苞桑痛念先皇計因
果終疑佛氏言黃髮不遺虛願命蒼生何罪劇煩冤杜鵑
再拜千行淚淪落詩人自感恩

檢藏書感賦

人生貴適情長物皆爲累讀書不在多安用羅篋笥長安
號人海自昔居不易矧經喪亂餘豈有立錫地饋貧亦虛
言腹枵難煮字飢驅匪自由顧此焉舍置一身已贅疣四
海方糜沸複壁無深藏兼兩重勞費兒曹惜手澤甲乙爲
標識誰知丹墨痕中有滄桑淚

吾家黃璞里通德存賜書遠宦偶歸來什九飽蠹魚先疇
無一畝安得帶經鋤春曹三十載退食雞栖車閱肆掠牘
殘累積寸與銖一日未釋卷寢饋與之俱亦知玩物戒聊

勝博奕娛甬東天一閤吳下士禮居小大相絜較潢潦於
江湖萬錢愁塞屋措大真窮途

延秋夜唳烏達官盡避走栖栖復皇皇可笑喪家狗妻孥
亦何知作計隨人後旅瑣悲焚巢自貽復誰咎失火賀參
元吾思柳子厚區區保叢殘無異千金帚長恩獨何事殷
勤爲我守炳燭念餘光雅意甯忍負歲除修闕典會當酌
杯酒泊宅無安居此願竟償否

歐風日東漸學說競趨新莘莘黌舍子六籍誰復親法言
久覆瓿論語可代薪迂儒不解事矩矱守先民莊生嘗竊
笑章甫適文身徒然抱殘缺終恐委灰塵祖龍恣焚坑孔
壁未盡湮吾觀今日事酷烈甚暴秦浮生無百年邁此大
化淪成毀何足道掩卷潛悲辛

題蘆臺聶忠節祠

尙有荒江廟貌留同時淮將已無傳鼓鼙今日思應晚
萋非盈庭死亦休朝士可憐黃菜葉路人猶唱白符鳩英靈
不泯知遺恨坐看支祈鼓濁流

魏室丁未試御史報罷余贈別有當代南雷人不識
之句子益方裒集其生前酬唱之作書來屬補錄
附此追輓

易簣丁甯願竟虛橫流一決遂淪胥南雷若使生今日應
廢明夷待訪書

新亭舉座皆周顗魯國當年一孔融留得題襟詩卷在九
原家祭有餘恫

長少白制府見訪話舊

三十六城老都護傾蓋初逢訝如故生芻一束見君情候
尉相望斷書素臯蘭玉節控萬里誰知海內風塵起贏得
籌邊雙鬢霜恨不滅洪同日死建威銷萌豈無策老謀不
用長太息漢家九鼎重如山夜壑移舟一夫力三徑就荒
歸去來大弨挂壁生塵埃海濱不遇田橫客獨禮文殊上
五臺

自題集遺山律句百首後

曹毗一片光明錦白地裁爲負販衣偶借酒杯澆磊塊九
原可作幸無譏

轉喉易觸當途諱學步但增餘子羞儘把精神費無益東
塗西抹幾時休

杏城侍郎以次韻樊山秋柳詩見示仍次原韻奉和

柔條豈耐雪霜侵
忍見飄零萬縷金
攀折行人朝復暮
蹉跎芳序昨成今
江潭何限悲搖落
海水分明闕淺深
同望扶桑麗朝旭
苑枯難與問天心

烏柏丹楓滿目秋
傷時王粲怕登樓
尙餘舞態臨風見
何似浮蹤逐水流
大樹功名虛玉帳
劇棋光景變金溝
亦知代謝尋常事
不奈言愁我欲愁

曉風殘月唱屯田
爭及城南尺五天
閣道添星深得地
羲和敲口不停鞭
前途黯慘仍愁暮
舊夢迷離盡化煙
休說十圍親手植
也應憔悴異當年

陶令門前盡日垂
闌珊情緒有誰知
流紅得句聊題恨
傳粉何心學弄姿
一曲秋娘歌獨絕
十年春夢覺應遲
上林故事渾疑信
猶盼迴黃轉綠時

舊政務處海棠花下追懷壽州長沙二老

二老風流不可親
庭隅負手獨逡巡
青油日看宣明面
知有花枝解笑人

醉酒難忘手植辰名花也是劫
餘身東風嫁盡新桃李未
恨無香媚路人

雨後與熙民過榆園

一雨何當爲洗兵
簾櫳相對不勝清
曇花偶現猶疑夢
杯酒重拈且壓驚
幕燕翻飛渾未定
池蛙怒聒底難平
晚晴景色無多子
愁聽斜陽鼓角聲

書鈔本杜詩後

杜陵際喪亂每飯不忘君
許身稷與契世尤駭其言
豈知此老胸固在憂黎元
稷契佐唐虞得以康斯民
君民實一

體君仁莫不仁所以企中興戀闕心拳拳肅代雖孱主西
極猶自存陵夷逮懿昭讀史足辛酸豈惟凍雀悲清流亦
投洲羣盜起如毛什百巢與溫所過恣屠掠千里無人煙
五季遞興仆十國更剖分迴思天寶日何異義皇前九州
戴共主繼體豈皆賢神器要有屬自然息閭干風騷本忠
愛千載思靈均楊墨無君父率獸終食人民彝旣泯亂天
道無幸全此語非臆造吾聞自船山

杜公稱詩聖眾體無不備大雲贊公房乃與選詩類向來
信口讀未測意所謂近覽杜園說乃如豁蒙翳當年陷賊
中此爲竄匿地去來與信宿蹤迹皆可識複壁藏趙岐北
海侔高誼巾履及醢醢衣食兼賙濟脫身有天幸麻鞋達
行在右丞與司戶誤被羅網致託疾以自全亦未僞職試

台州竟死謫桐川亦作廢少陵屢贈詩漸被至一再後儒
顧不諒執此爲訾議往者粵寇亂名臣若湯戴皆無效死
責慷慨輕就義承平重氣節清議猶可畏道咸去豈遠風
尚乃大異紛然鳥獸散咄咄真怪事

虞山箋杜詩畢生萃心力以視岑鶴輩較然分黑白稼堂
與義門糾繆紛指摘芟蕪其榛蕪十猶八九得獨解勃律
章乃援樊師說衣毛譏鳥言比類強區別書生守兔園繁
徵疑奧僻龍門謗史心狡獪故難測我因讀此箋重感世
變亟通市逾百年蕃舶來如織鄰行所常談甘英未盡歷
條支西海頭環峙皆勍敵連雞鬪爪觜未易雌雄決馬主
雖中微寶鄉益繁殖盛衰初無常誰能外夷狄震旦號昭
明文物迥非昔仁義苟不存政恐難立國卽敘徵夏書大

言得無作牧翁豈及料瀾翻恣筆舌

先中丞公癸酉鄂闡擬墨原稟湮兒裝潢成冊敬題

其後

三度文衡總向隅九重溫語念寒儒傳家別有燕支筆手

澤猶堪一集都

公在詞林三次考差均未獲簡授甘涼道
宣宗嘗垂詢及之在鄂再監文闡

廩訪公宦浙亦屢充提調監試家藏闡中手札日
記甚多科場條例典試用墨筆監臨以下皆紫筆

點鐵成金有化工敢將小技薄雕蟲當時曾感孤寒泣一

念憐才出至公

在闡值首場放牌得一卷三藝皆佳而試
帖詩不稱爲指疵累令改正竟獲雋鄂人

傳爲
佳話

模楷非徒多士資公忠默與古人期一朝功令興亡係劇

憶中書抗議時

是科題爲公叔文子一章公權督兩湖時
仁和王文勤相國方爲臬司嘗密疏論薦

不逾年卽開府湘中與臣僕同升事相類文勤晚年在政
府簡默自晦有伴食之稱獨於廢科舉一事持異議至以

去就爭之當時
又有笑其迂者

乞骸疏草背人揮薤菜秋風早見幾一疏回天私自慶驚

聞哀詔倍歔歔

時公已決退志於闡中具草陳情並家人亦不之知既得俞旨適有奸人李光昭報

效園明園木植之事川楚諸帥約連名諫阻或謂已開缺可勿與問公毅然曰茲事所關甚大吾在官一日卽當盡其言責卒列名入奏事竟止解職後就養吳興郡署聞穆宗升遐感憤時事一病幾殆

秋柳明湖記夢痕都堂鐙燭不堪論文身章甫知無用且
寶先芬付後昆

秋暑索居桀頭惟亭林南雷兩家詩時復展玩各題

一章

桑海多傳變徵音鉅篇誰解讀亭林依然清廟明堂體未
肯亡明一寸心

忠孝艱屯萃一身梨洲世不數詩人刊餘華藻無甯拙摶

盡衷腸只是眞

翁文恭公生日師鄭吏部邀同人陶然亭爲瓶社第一集並出遺墨傳觀敬賦長句

神龍反正語多祕元祐改子亦稱制梁公溫公時不同苦心要爲宗社計公傳冲主厯兩朝遭際之隆古莫媿中書當筆無所讓安知身與危機會溫樹不言心自悲文采風流特餘事鄭齋晚得衣鉢傳遺書綴輯篤風義遠溯歐蘇近顧王生朝補祝舉成例城南亂後車馬稀惟有西山猶故態暫借團蒲締古歡自循漢臘修私祭流傳翰墨已豪芒尙與平原堪作替我亦春風座下人雲臺夙昔聆高議陸氏舊莊久就荒冬郎敝篋空留記載酒難尋門外蹤撫箏重感筵間涕宮鄰金虎竟始終空山在喚奈何帝有人

哭鶴痛華亭幾輩牽黃憶上蔡竄身猶得老江湖壞事何
須嗔鬼怪忠佞於今已昭昭揮戈不挽虞淵逝吾儕苟活
真幸民莫厭相從飲文字魂兮大鳥儻歸來此舉年年宜
勿廢

題徐晴圃中丞從軍圖

睿皇初政誅驩共諒陰不言言乃雍川湖逋寇猶曠突障
日修羅坐養癰詔遣重臣提禁旅鐵騎三千盡貔虎親承
天語授機宜妙選軍諮開幕府舍人早直承明廬於時讀
禮亦家居金革無避古有訓起應徵辟從馳驅往來黍雪
冬徂夏躍馬橫戈不遑舍轉戰曾過隴阪西捷書頻奏甘
泉夜唾手方看掃穴巢含香雞舌還趨朝幾載迴翔依省
闈重來開府擁旌旄樞垣始因西師設頗牧時聞禁中出

平臺籌策出耘耔征緬郵程紀蒲褐紫光圖畫比雲臺拓
地開疆逾九垓潢池盜弄小醜爾昔何其勝今何衰我亦
簪毫舊從事每讀題名想前輩屬車豹尾屢追從行在麻
鞵餘涕淚開元生晚羨承平百二秦關尙苦兵渭水終南
如在眼暮年蕭瑟庾蘭成此圖寫真近神品況復名賢富
題詠神武猶堪想廟謨流傳豈但光家乘玉軸裝池手澤
新時艱未放退耕身陸沈重挽神州起整頓乾坤匪異人
與樞直舊友追話諸老軼事因誌其語

圖讖說瀟風禍唐知不免鄉曲老書生乃亦妖夢踐前生
故渺茫置身忽鼎鉉私印默自鐫畫禪且游衍
南厓非奸相門下乞削籍謬種孰流傳亦被春秋責和戰
處兩難羣矢期中的智哉衛足葵急流能勇決

少年馮涿州晚慕傅春和推賢亦下土瞻智猶足多調護
骨肉間披誠無嫌阿咄咄雙桂軒退食誰見過

烽火照甘泉宮車急西邁七十禿老翁抱印趨行在入議
首懿親青蒲偶獨對呂端不糊塗沈默姑養晦

藏地連西南全蜀藉屏蔽維州已歸順廟謨忍輕棄桑榆
猶及收薦賢亟自代碧血埋蒼宏誰理西康議

雜詩

蛭蜣工轉丸寒蟬但飲露匪惟所性殊能事亦天賦壽陵
學邯鄲乃反失其故奕棋志鴻鵠兼營終兩誤八極何茫
茫出門卽歧路壘中有天地章亥不能步

利欲中人心若火始燄燄福善禍淫理衰時或不驗君子
道其常東身懍圭玷父師所提詔旦明儼昭鑒謹微猶恐

忽縱暴安有饗彼昏坐不知吾儕懼天厭三復望谿言頑
軀足鍼砭

國風終曹檜戰國遂無詩漢魏稍萌芽齊梁益卑卑治少
亂日多雅頌亦已微千載一詩王牛酒不飫飢後人論皮
骨流派彌紛歧無病而呻吟世猶疑繼之白賁本無色大
樂貴聲希寂寞誰與娛谷音或庶幾

春服亦旣成舞雩偕童冠及門各言志聖有與點歎古來
賢豪士出身當世難晚節尤難持百里九十半幼安老依
邈孔明卒扶漢泉石豈本懷風雲要長算商歌望南山長
夜何時旦甯請狂夫狂毋爲漫叟漫

分利日以眾生利口以微往在承平日已有人滿疑客從
故鄉來欲語先涕洟小民勤四體未贍八口飢兵火所摧

殘敲剝及膏脂重以災疫繼道路皆積尸迴視顯宦輩
纍纍擁金貲富者力兼併貧者無立錫物窮有必反勿謂彼
蚩蚩吾亦游食徒內愧當語誰一飯無兼味一緼無餘衣
且辦一身瘠敢問天下肥

毀齋主人出示其先王父九九消寒圖手蹟屬題

十曰一水五日石崑崙方壺修真迹不如渲染沒骨圖
堂鋪殿精楷模怒氣作竹喜氣蘭風枝雨葉來無端不如
流傳喜神譜小蕊大開足意趣九九諺出田家志翦紙調
脂近游戲誰欺運腕妙寫生展卷雅人見深致一陽來復
天地心次第春光靜可尋瑤草琪花石供古重茵複幕畫
堂深東南半壁烽煙靖榮光出河通瑞應雲臺上將數高
勛官閣水曹自清興五十年來手澤存摩挲故物重瑤琨

曾供乙覽睿思殿好伴新圖水竹村
燦爛雲章親弁首子孫孫當世守渡江
又見歲華新珍重亭前舊垂柳

鈔吳野人陋軒詩一冊書後

陶杜而還有此詩漁洋確士未真知
苦吟落得身貧賤殘燼應關鬼護持
上座敝衣名士會荒邱宿草故交悲
簞鐙錄罷重尋諷益信潘翁不我欺

弢齋見示所撫王廉州煙樹晴巒橫卷屬題

老生有常談無欲觀其妙覃谿借評畫
下士皆大笑豈知至人心如鏡常皎皎
燕處謝榮觀超然塵壒表四王擅名家
古逸惟元照晴窗偶展卷借題抒腹藁
疏林帶茅屋風帆逐飛鳥一重一掩間
煙雲互縈繞直與造化游匪矜神貌肖
曠林日干戈庸流空自擾扁舟者誰子
危坐方持釣

客有詢近作者書此示之

唐宋藩籬略未窺狂歌自寫此心悲吾生不幸多言中天
意終無厭亂期臨水登山行已老吟風弄月復偕誰思量
何物供詩料還學毗耶杜口宜

德宗景皇帝實錄尊藏皇史宬禮成恭紀

衣冠拜表上彤墀九廟神靈鑒在茲伏案頭童纔歲役攀
弓淚盡總銜悲金鑾故事空留記玉几羣公孰受遺蟣蝨
微臣慙報稱賸從家乘紀恩私

御河路轉小南城典守猶餘老禁兵兩翼分排金鎖燦九
霄上燭玉虹明檢書供奉長歌壯受印親藩異數榮欲證
舊聞遺老盡文謨武烈想承平

題第四女葆蕙遺畫

生小深閨薄綺羅長年几席苦研摩清才賦與天何意玉
隕蘭摧一剎那

老翁百念俱灰槁不作人間無益悲結習但思文字託偶
傳遺語念渠癡

雨夜不寐雜取案頭書讀之

萬感何來迸似潮披衣強起亦無聊古人傳者皆糟粕獨
夜淒然此晦瀟永憶對牀隔黃壤猶疑聽漏近丹霄耳根
徹夕琅琅響知碎庭隅幾葉蕉

惺吾以新刊勤恪公政書見貽敬題奉簡

勤恪督楚時吾祖同疆寄大難適初夷急在培元氣撫臣
職治民地與益陽異推賢本公忠剛柔亦互濟不爭赫赫
名豈恤悠悠議奏牘茲具存經畫皆至計國家建行省命

官有深意元豐議省併祇以便專恣荆襄據上流承平慎
擇帥奈何任無賴輕舉江東棄始信古人言將亡必多制
與君藉金閨通家逮四世白首役汗青同舟話故事連楹
賜書在駿烈慙弗嗣傾陽一寸心何補東隅逝萬方困虐
政生民日憔悴豈獨峴山碑過者爲墮淚

幽居遣懷

蕭然丈室老瞿曇嵇嬾非徒七不堪祇合當門書魏字有
時隔牖覓雞談人情但自看雲習世味都輸食蓼甘強把
一樽排萬慮乍欣卯飲得微酣

百劫茫茫賸此軀鏡中那復識今吾科頭晏起眞供狀挑
耳勘書古畫圖日歷久忘新晦朔煙蓑長憶舊江湖小車
洛下無人問牛馬相遭總任呼

山經海錄儘無稽
遣悶時還一卷攜
漸愛負暄知老境
稍從習靜見天倪
秋花自嫵供憑檻
寒菜能香促灌畦
未必牆東容避世
扁舟何處武陵溪

已分高軒絕往還
深居何事復相關
打門詩債從人索
倚壁筇枝對我閒
諫草糊窗經斷爛
誥綾裝帖喜爛斑
卧游恣看蓬壺景
一角猶餘馬遠山

乙丑二月出都車中口占

西笑真成夢東流
未有垠偷生餘故
我觸處感前塵
卉木猶含凍風沙
苦趁人此身安住
著滿目足悲辛

靜聽車輪轉吾腸
與萬周把書姑引
睡呼酒不澆愁
促坐知誰某微吟
自唱酬平生江海
興左計負扁舟

美服人爭指空名
盜亦憎當關多猛
虎掠野盡飢鷹衰
朽

慚筋力承平想股肱悠悠青史事神理久無憑

于式枚字晦若賀縣人光緒庚辰進士改庶吉士授禮

部主事官至吏部侍郎諡文和

詩話文和爲東塾弟子博極羣書文辭敏妙喜作諧語時涉嘲笑東塾有詩規之散館分部終身引憾久佐李文忠幕章奏書札多出其手熟於史事及近代掌故與人縱譚如數家珍有疑其誤者取書視之不爽一字迺歎服工宋四六不好著書亦不喜作詩辛亥後間爲絕句旁注故事以寓譏諷避地滬濱至崑山拜亭林墓還時歿於舟中

李寶臣紀功碑歌

恆陽古郡行署旁一碑屹立支風霜紀年建中記永泰文
詞漸泐猶能詳云我亞相秉王命世有勲祿兼忠剛鋪敦
四凶翊三主瞿惕威惠懷瀛滄千二百言自贍密謏詞曲
筆難具量漁陽喪亂起安史夾河州郡沈戎羌旄頭墮地

胡焰盡餘星四散還披猖陽和鷹眼偶一化神狐得夜爲
妖祥淄青魏博洎幽冀各擁旄蓋憑巖疆成德一軍最悍
突明光十萬羅成行控弦飲馬正南下百縑一擲催歸裝
射堂竟馘朱司徒此功信可銘旂常同功石讖恨不應幽
燕二帝遙相望歸來據險阻兵甲蟠屈薛李連田梁輔車
勢成窟宅定謂可高卧常山岡豈知凶德不再世繼罷生
不如封狼徒資部曲取旌節同開大鎮康王張蛟龍匪毀
奸骨朽巍然片石經滄桑獨留一事證史闕題銜特德清
河王摩挲苔碣百感集蹉跎國步哀中唐代德以還那可
道風塵傾洞昏東方威弧不弦斧鉞鈍徒恃文物糜豪強
凌煙圖畫紫薇券一一狎視爭騰驤更勒豐碑紀勲績追
逐方召參翱翔峨峨西平與義陽庶幾無愧桓文襄華州

會頌李全諒成都復紀韋南康此外文字僅羅列何啻中
國紛蝸蟪八紘一裂不可止顛倒功罪由文章陸蕭正色
拒趙魏幾人嶽峙中書堂鄒公之銘出吏部無乃少損日
月光矧茲幕府頌功德豈容著手爲低昂百年運會一分
合燕將語在非微茫章武昭肅恢大綱手持魁柄臨八荒
蔡齊並潞齒神劍河朔獅子眠如羊淮西碑付段文昌盧
龍銘勅李贊皇英衛之勳燕許筆兩朝將相何堂堂文石
無言任雕刻誰留穢惡傳芬芳從來上策在自治罪言盍
憶司勳郎

成都浣花草堂杜少陵祠

大雅千秋在遺祠倚近垌蒼茫中興日寥落少微星故宅
空文藻斯人具典型池臺換塵劫無恙竹林青

海內兵戈滿天涯歲月孤西來嚴僕射北望李司徒寄興
聊題壁憂時獨論都蓬萊何可到冷夢逐青梧

江上三年病人間萬事非魂隨星使節血慘漢臣衣桂嶺
誰通問松州正合圍秦川秋信早亂定幾曾歸

杖策知何適。抽簪此暫留。白楊多廢壘。青草又扁舟。將帥還燕薊。風騷失應劉。無端人世感。江水日悠悠。

等是三川客飄零滯一鄉死生房太尉羈旅漢中王江漢
堪終老彭嘉各異方白鷗如可狎眞欲賦滄浪

雲影琴臺暮溪流劍閣春變衰餘草木瀕洞莽風塵涕淚
宣光事江湖稷契身漢南連灞上極目正愁人

未許馳千里還期賦五車寒歸華表鶴晚釣錦江魚軍府
憑看畫中朝久絕書平生江海志吾道有樵漁

不唾青城地何來碧玉京殘年思杜曲故國憶蘭成天地
獨懷古君臣方論兵短衣撫長劍狂顧意縱橫

落拓瞻鴻碣羈孤念鶴林野亭勞望眼水檻遣閒心寂寞
揚雄宅棲遲梁父吟涪翁瓣香遠曠代結知音

秦中懷古

六國樓臺一炬連美人鐘鼓散如煙十年運盡初逢鬼百
戰功成又學仙鶉首關河天一夢龍髯弓劍地三泉青梧
觀冷麒麟折賸有苔花漬血鮮

浮雲白日莽秦關如夢興亡去不還金虎宮鄰唐北寺玉
魚陵墓漢南山叢臺露冷銅仙別野殿風高石馬閒杜老

哀吟沈郎表無端幽怨道途間

東井西河關上都文謨武烈遞乘除雲霓赤帝三章法日月蒼姬六典書棲鳳何年來白虜伏龍從古護皇圖金戈鐵馬縱橫地放眼千秋幾丈夫

天府名區百二雄上游陸海控寰中靈潭犀象連櫓密大漠牛羊逐帳空競說河流關利濟幾聞隴坻隔華戎平蠻得寶翻新曲又見飛塵捲朔風

獵獵牙旗出苑牆十千組練試明光一鸞未暇災先伏九虎憑威勢可常塞北風雲朝白帝關東烽火殉黃皇銀箠鳴咽樓頭語可憶金鞭下未央

舊曲淋鈴樂府傳倉琅驛騎望秦川江花江草愁無極秋雨秋風夢悄然青瑣華年懷鄂杜白頭遺事說開天紅樓

珠箔遙相憶摧斷青春蜀國絃

燕齊迂怪逐波瀾張趙名豪競射彈幾見神仙返東海真
成盜賊阻西山丹砂不救蒼黃劫白日憑探赤黑丸一代
亂源何處問好還豪傑實長安

草檄題詩意若何百年心事足悲歌新書甲乙編南部奇
策縱橫畫北河宣室鬼神原恍惚梁園賓客竟蹉跎何從
更覓封侯印付與溫岐哭逝波

徐琪字花農仁和人光緒庚辰進士改庶吉士授編修

歷官內閣學士署兵部侍郎有日邊酬唱集粵軺集

詩話花農華胄清才跌宕自事少受知於曲園先生
先生有詩云文字論交誰最深門牆徐稱最關心一
詩焚向亡妻告爲報花農入翰林又云傳來消息日
邊佳北望長安眼屢措三十年前詩句在期君傑直
列南齋其契合可想罷官後困居都下而花時譙客
豪興不減喜獎掖後生雖受其累不願也好譚休咎

善繪事詩致雍
容無衰颯語

十月十七日桐城道中口占

野草芟餘嶺壑明
穉松都似盎中生
天然斐几宜清供
高處雲濤作雨聲
時有眞香通妙趣
偶留勺水助躬耕
吾家南北雙峯頂
一樣凌霄積翠橫

連州鐘乳石歌

連州鐘乳天下奇
陰崖千尺俱倒垂
苔鬚薜髮界飛瀑
如鳥浴羽氍毹星
精月魄互激射
露華雨液融胎胚
琅玕束筍籜懸處
瞿曇閉目香定時
飢鷹渴驥不一致
蜂房燕壘相偎依
蛟潭舊友頗識面
縐瘦亦覺殊端倪
萐莆紫茸綴瑤草
歲久石骨同拄支
叩之清聲奪琴筑
雁柱欲合銀笙吹
乃知珊瑚出海底
亦似荇藻紛漣漪
年深寶氣自吞

吐遂與玉色爭瓊瑰瀛臺舊有木變石褒詠曾賁天章詩
小臣侍從託史館至妙每覺難管窺此始信造物巧意
匠不到皆天機比來高談侈格物烹鍊霜霰如飴飴五金
八石別寒燠黃埃青瀨衡銖錙豈知大地不愛寶信手結
撰憑取攜巨靈太華擬議耳女媧戲補誰見之我今一拳
置碧盎十洲三島含須彌放顛幾欲傲海岳秀采亦復爭
仇池殷雷前山乍振響呼吸如有煙霧隨夜深蝸篆競出
沒科斗如黍皆文螭子厚欲乞定不與稚川相訪或見貽
莫教煮食同芝蕤雪竇中有領下驪采之欲佐軒轅璣萬
國土照紅塵微心情當與成連移水仙一曲波溼衣

韓江赤鯉歌

鱷魚已去金鱗生水晶宮闕皆通明連蟠雌蜺奪奇采偃

儻南極排天星如鉤新蟾不可釣五色晃漾交輝瑩葛陂
秃杖幾時化琴高隻手淩空擎豈如鱗鱗入網罟竟與圖
畫爭丹青懷川寶氣久必洩欲起五岳窺真形巨鼇戴山
湧之出馮夷擊鼓喧而登斯邦太守鳳池客與我俱挹蓬
壺清晚來喜共尺書至欲助吟韻添茶甌雙瞳看朱屢成
碧得此朗澈臣心冰詠我幼感學詩對魯藻正發東風馨
泳游頓思樂在泮天鵲梁雉相時行豈如校人屬子產要
爲大造培菁英龍門起躍盡變化鯤鵬瞬息隨飛騰廣文
更爲進一解尺水慮勿容長鯨奇姿必非池中物盍縱巨
壑歸滄溟我壯斯言夜起舞一擲亂跳波潏腥羣靈趨擁
入水府老漁束手拋霜鬚生機何止濠濮暢士氣直共風
雲興明年畫艦臨江城揚鬚或導雙前旌旁人認是海霞

曙我知廿六來相迎

曉起

建瓴舴艋溯奔湍圖畫應知俗手難煙帶春痕上山翠晴
烘水氣破江寒津亭花繞朱幡隊野寺松藏白玉壇欲向
雲崖刻詩句他時留與掃苔看

何乃瑩字潤夫一字梅叟靈石人光緒庚辰進士改庶

吉士歷官左副都御史有靈樵仙館詩草

詩話潤夫爲蘭士族裔久官水部稍遷柏臺庚子奉
匪之亂以附和剛相爲人詬病性好吟詠辛丑罷官
後僑寓京師時花載酒賦詩自娛與人酬唱無虛日自言取適性情工拙所不計也

雙白蓮歌題長女兆英畫

銀河倒瀉三峽泉粉筆劃破秋空煙臨風悄對光瑩然意
態綽約花開先曉月欲墜涼娟娟露華皎潔珍珠圓乍如

宓妃來洛川淩波微步交迴旋又如佛子臨九天芬陀利
花在眼前瑤池昨夜開華筵空中擲下雙玉盤素女醉舞
青娥顛六月霜雪霏瓊田我持杯酒憑雕闌俯視秋水清
且漣中央宛在疑飛仙神游江潭周湘沅靈均素質同昭
宣蘭湯沐浴清白全瓊枝玉華成班聯移家宛住西湖邊
兩峯凝雪生朝寒我欲從之勞躋攀清晨坐對佳賞延溪
山尺咫精神傳願花常好花無言爲花寫圖徵吟箋常使
香色留千年

手植盆蕉經冬猶綠晨雪靜對賦詩記之

翡翠新鮮玉瑩潔天然圖畫自清絕滿園寒色透重幃窗
裏芭蕉窗外雪

入吉林城見松花江

三面城垣一面江入城瞥見浪花撞市聲近雜潮聲起帆
影低隨樹影降千疊峯巒橫遠岸半街樓閣啟虛窗慚余
策馬恩恩過孤負人家春酒缸

秋邊感興

銅柱崢嶸馬伏波特林碑碣近如何海天望斷蝦夷島雪
地魂銷虎踏河豈有安邊輕用戰斷無柔遠不言和昇平
鏡吹淩秋起莫誤西風勅勒歌

偶成

拋書午夢涼竹翠侵紗幕深院悄無聲白蓮自開落

朱福詵字叔基號桂卿海鹽人光緒庚辰進士改庶吉
士授編修歷官侍讀學士有復安室詩文集

雪後望富春山弔伊孝廉

樂堯

用老杜冬到金華山

觀因得故拾遺陳公學堂遺迹韻

孝廉避粵寇之亂餓死富春山中

日出富春江連山映崔嵬孤雲識歸路往棲子陵臺積雪
浩漠漠飛鳥去不回清光轉林麓豁達戶牖開迴峯抱春
陰虛壑松聲哀慟哭志士盡颯沓西風來尙憐伊孝廉白
骨埋蒼苔賁志就埋沒何地無賢才

和匡伯用山谷次晁補之廖正一贈答詩韻

齊虜得官乃以口臣朔長飢索升斗朱鳥歸肆行黜黜我
春辭家秋未還讀書佳句坐歎息詩夢已落吳淞間旗亭
一曲黃河上四座無言獨心賞天街夜涼如水明闌干曲
象環碧城願接雲輶與天語美人顏色君之榮眼中少年
今老矣安陵昔日繁華子前魚已自爲人憐蛛絲還能助

我喜萬古牢愁未入弦欲竟此曲無人彈丈夫意氣屬有
在挂席千里難追攀我欲隨君且入剡中去李白一生自
愛游名山

潞河舟次疊前韻柬花農同年

少傅勲庸在天口尙知喉舌猶北斗仍覓文采何斑斑早
朝攜得香煙還蓬萊清邃足官府風月不到非人間蔡侯
並掉詞壇鞅偶出城南事游賞嚶鳴相召筆再賡佳句往
往誇連城詩家自有麟閣在未知浮世誰枯榮卽今京國
號多士我歸去訪鴟夷子游客方深鱸膾思慈母已占鵲
聲喜潞河新月蛾眉雲南飛有雁君莫彈西風殘葉埽不
盡晚煙疏柳猶堪攀但願儒館獻歌戎堠息看君玉堂畫
掩吟春山

苦熱

我昔三年客幽冀窮廬畏寒縮如蛭秋非我秋冬非冬獨
喜炎天有爽致今年江南苦溽暑草木無端被熏煮書生
偃蹇體膚漫默塞低頭汗注雨微風不起焦煙紅塊若魚
置枯池中窮鱗何惜升斗水徑欲上訴煩天公人生動覺
故鄉好我居南方恨鬱燠萬事轉移有如此世間初念那
可保跼蹐安識造物意且展琉璃倒身睡會著一嘯清風
來淨洗千里無纖埃

容城楊忠愍公墓

常傍松筠想故居白楊墓道更蕭疏埋輪事憶張文紀下
馬墳尋董仲舒大鳥能來知不忝奸蛇有膽定何如奸諛
骨朽知何處十載鈴山笑讀書

王懿榮字正孺一字廉生福山人光緒庚辰進士改庶

吉士授編修官祭酒殉難贈侍郎銜諡文敏有遺集

詩話文敏平生喜金石書畫之學值南齋最久曾命校石渠寶笈光緒中葉常熟吳縣提倡風雅海內名蹟輻輳其門爭欲得公一言爲之論定承平文物之盛使人神往詩非專家然學人之詩自無凡豔遺集爲其子編定僅上下兩卷所作殆不止此也

潘伯寅侍郎滂喜齋揚先秦彝器歌

司農堂前百寶羅乙爵辛卣相擊摩周季保彝季念鼎卽
鐘魯鬲斂王盃更有召中生妣隔世間此物存豈多鯁生
登堂搨百本青氈翠墨親摩挲攷文釋器徵所出長安易
水太山阿卣曰父辛爵曰乙先後毫社追猗那爵上土花
沒瑤飾一文當柱形如禾中流及緣作亞字朝餞饋獻應
同科乙辛柔日皆內事古器父乙父辛等款識舊說爲造器人名阮氏謂爲作器次第按曲

禮外事用剛日內事用柔日鄭氏注內事如宗廟之祭是
陳氏注剛日如甲丙戊庚壬柔日如乙丁己辛癸按彝器
有作文父日辛烈考日庚等
識則甲乙明為紀日無疑
古義簡所無枝柯父辛乙爵更

有一器特精好是名曰盃讀如和
說文鬻字下五味盃羹
也初學記即引作和壬

氏說文句讀從禾得聲非後起我於音學無偏頗世人爭
謂盃疑後入

詢歌麻部盡隨娑嬖改娑婆尤附會者週泰吟甯知兩疊

釋非訛
近人釋齊侯壺得週泰吟三字韻學家附會為周
七韻甚于說古無歌麻者及得齊侯中壺則又為

逆黍始三字七韻不能著為定論矣此文唯數不可讀姬
以知古器文字不可強識誤會如是

殊之夫名孰何
王一鼎一彝皆季氏念也保也字未磨

季念鼎
作鬲召中君奭裔舊姻生姒薦與蘿
召中奇者魯

季保彝
內小臣翯陪臣助祭鏘鳴珂侯生作器登明堂
据文義定為魯臣助

祭之
駿奔欲奏清廟歌
魯內小更從即鐘識即後共公庚

興謚靡陀邵子公族美田事不須赤芾兼珣戈作鐘八肆

窳四堵草亦曰鑿文引說文鼓則鼙傳聞此鐘出岸曲當

隨沂泗入黃河鄒三司農讀書天祿閣古文奇字共切磋

從茲蒐采富藏弄大收倉籀窮義娥愧余裴治止墨本匱

筭滲潔生青螺是日搗者人盡酒吳清卿孫問騫二胡伯

石顏已配

戚武毅公寶刀歌謝萊陽徐明府桂寶同年

昔年曾刻南塘集今朝喜得戚家刀刀輕如紙光如水兩
行款識秋芒豪上鐫萬厯十年字是時公居蘄鎮地登州
戚氏岳家軍鑄刀初成姓為記憶昔浙閩與三邊公所到
處皆凌煙虜酒朔風不成醉精神炯炯三百年幾經流傳
濟南驛徐侯得之若拱璧銀函未改明時裝鵬鵠血染苔
花碧我今持節過萊陽下馬直上徐侯堂徐侯寶刀舉相

贈知余團練兼禦防千金挂樹生不疑楚弓楚得千古奇
卽今防邊無二義關東諸將何離披北洋舟師更無論一
擲二千六百萬遂令窮島逞天驕海夾鰕夷任滋蔓朝廷
命我治鄉兵徐侯與我同歲生俯仰東南天半壁酒酣斫
地淚縱橫

左紹佐字笏卿應山人光緒庚辰進士改庶吉士授刑

部主事歷官廣東南部連兵備道有竹勿生詩鈔

詩話笏卿早擅才華爲張文襄所識拔採其文入江
漢炳靈集爲時傳誦初以拔貢官秋曹入詞林散館
復隸原部歸鄂掌教久之始出在諫垣時數論時政
頗有遠識晚乃得嶺南一道著述甚富僅見其晚年
之作

送張次珊通政

仲炘

歸湖北

已聽斯人去時危當奈何三年同白社六月渡黃河匹馬

關程遠驚蟬驛路多我魂招不得合眼是兵戈

南韶使者歌

填詞作詩亦不惡焉用聚鐵鑄大錯南韶使者舊臺臣迂
性與時常柄盤旅食京華三十年鵷鸞隊底藏孤鶴踪跡
看如水上萍交游半似風中蕖而今已是白頭翁坐對疲
氓意蕭索眼前書卷一秋檠夢裏溪山幾芒屨高談欲吐
覺心慵良法思行苦才薄皎皎圓蟾竹映窗沈沈苦雨苔
欺閣生涯醉醒自無聊世事蒼黃吁可愕鹿門深處近吾
家歸與龐公行采藥

和江杏村侍御

春霖

都門留別詩

閩粵東南地接連寫情還託衍波箋買生畢竟能憂漢樂
毅何曾欲去燕世事浮雲聊送眼吾儕何日更隨肩都門

帳飲車如水脫手新詩萬口傳

漚上晤朱古微侍郎

祖謀

張次珊通參

仲炘

白社凋零老若何貞元朝士更無多五更殘夢餘疏點一局枯棋值爛柯懷藥有人居月殿乘槎無路向天河蘭成蕭瑟還詞賦百丈山頭日已殘

題翁文恭公

同龢

家書遺札爲孫師鄭吏部

雄作

韋平家世燕許筆文采風流俱第一臨池灑翰自天性精能上與顏楊匹水鏡衡才玉尺量陰陰桃李在門牆君稱提瑟升堂者我亦追隨弟子行蓬萊浪高引舟處何期海畔生童桑家書乃在歲丁丑舊學甘盤資啟牖湖山收身早在念淡泊豈落疏傅後處人骨肉良大難升沈有數非偶然身後易名無溢美此心皓月當中天平生一掬羊曇

淚東城寂寞迴車地泰山流落只毫芒後五百年彌珍貴
安維峻字曉峯秦安人光緒庚辰進士歷官福建道監

察御史有望雲山房詩集

詩話甲午之冬東事方棘曉峯上疏語絕懽坐是謫
戊初出塞有集句詩曰一封朝奏九重天萬事傷心
在目前好脫儒冠從校尉征途行色慘風煙及居塞
上五年釋還又有集句詩曰馬首東來知是誰卿書
無雁到家遲隴頭流水關山月準擬人看似舊時

出大境門沿西溝行觀元寶山用陶公還舊居韻

關柳已春色出門何所歸行行見流水嗚咽鳴聲悲涓流
豈無補江河日以非願言激清波顧影亦子遺柳腰風前
折斌媚空依依培塿無松柏此理宜窮推華風漸夷俗吾
道何其衰知音念鍾子援琴爲汝揮

夕陽下山去緩緩踏春歸欲賦王孫草恐增遊子悲草亦

報春暉柰何人獨非顧惟蒼蒼者棄我竟如遺霄漢不得
上一枝聊可依器之真鐵漢謬爲世所推浮雲蔽白日掃
除力未衰誓將縛大帶爲天效一揮

次韻答鍾愚公

兀自傷秋計已癡百年世事一枰棋祇應梅福稱仙尉誰
道王敦是可兒夢裏狂言猶草疏春來轉瞬卽瓜時天涯
亦有濠梁客話到忘機兩不知

王頌蔚號芾卿又號蒿隱長洲人光緒庚辰進士改庶
吉士歷官戶部郎中有寫禮廬遺著

詩話帝卿與葉鞠裳同受訓詁之學於潘邠侯吳中
學者王葉齊名翁文恭潘文勤雅重芾卿與文勤爲
中表戚顧於譚學問外絕不干以私事散館改官意
泊如也補軍機章京退直輒手一編嘗於方略館故
紙堆中見服版初印明史殘本眉上黏有黃籤審爲
乾隆朝擬撰考證未竟之本遂逐條釐訂芟繁擷要

成明史考證攬逸三十餘卷甲午中日之役多所建議
次年和議成悲憤累月遽以疾歿平生致力最勤
者則爲周官義疏惜未成書餘如金石
目錄皆有著述詩思淵密雅善長篇

病中蒙潘伯寅少宰餉羣籍並示消夏六詠率成長

歌跋於紙尾

長安六月積淫潦鍵關卧病車罕過欲藉古人起廢疾隨
身書卷攜無多倅來陳訊走流汗瑤華循誦顏先和發函
突兀見精槩如遇盧扁療沈疴諸公衮衮富述作津逮末
學猶江河消夏六詠最奇崛知君饗古窮義媧南皮張飲
自矜許鄴中七子眞么麼何如銳精究篆古取證經義功
不磨少宰齋中富藏弄商周典物如星羅抉揚土花發奇
字粟雨鬼哭羣靈呵吉金摹据良不易康成誤解鳳尾娑
盃煮薦體本非鑊孫陸瞽說殊沿訛希馮迺以盃爲味玉

篇傳後將誰訖頡誦不作古文晦詎釋爲張池爲忙京洛

冠蓋揜羣雅雅岫穆雖博難同科沙南片石釋者尠安世默

識論不頗張君獲奮字誼本浹長鉤据脫盡前人窠隱侯

見之必狂喜可惜宿草歸山阿沈孝廉古印纍纍亦典貴

羸劉爵號能縷觀持此上補百官表淹貫豈讓扶風娥咄

哉彥遠不識字胡言斲玉藐毋馱見法書錄要石齋遺硯失復

得流傳墨妙由東坡羣兒但寶香姜瓦狗腳於鄴焉足訶

世間神物各有數漢百碑硯歸煙蘿漢百碑硯聞已不具全且不知誰屬矣

會藏書甲天下絳雲傳是揚其波倭宋主人最後起愛書

成癖猶金陀一厘百宋悉善本況有澗翁相切劘越來溪

邊石鼓吼南中舊槧灰兵戈君家賜書本充棟一朝化去

如龍梭方今粲旻右文學明堂黼黻登雅歌少宰徧窺中

祕籍論思局禁吟羔純月廩悉以置篇簡古綈髓首熏沈
螺推揚文史盍朋哉躡履蹋殘廳事莎孤寒三百盡頽首
搜揚潛逸來槃邁男兒性命在文字一卷能壽非坎軻弁
首盡載士安序傳播奚止一刹那走也淺學本膚受石墨
金薤空摩挲觀碑太學但自恨鯁柳不辨成蹉跎君今贈
我宛委祕貧兒暴富慚顏酡惜我不尋比鄰住假觀寶墨
窮籀蝌會當歸去訪林屋禹書竊讀驚蛟鼉

蘇北來時與
葉子鞠裳商

初冬游
包山

東坡生日高碧湄刺史劉泖生司馬招集傅星槎太
守寓齋同楊見山丈葉鞠裳同年賦

風雪十日不放晴城南裏跡年崢嶸勝流走簡辱蓬華招
我來莅新詩盟今年太歲建丙子支干正協眉山生酌取

寒泉設嘉祀選勝近就廢都兵是時園中梅破萼玉龍起
舞笛吹落主客忘形倒濁醪酒香花氣侵簾幕恍疑身在
小羅浮醉起折枝酬玉局公昔信宿來吳中實惟甲寅之
春癸丑冬觀鐙曾和王規父飲酒還過閭邱公三瑞堂與
虎邱寺城西往往留雪鴻可憐命宮坐磨蝎九死孤臣海
南謫蠻唱黎歌客倦聽吳天回首渺何極契順遠來詢起
居十頌寒山慰岑寂當年置酒赤壁磯江上獻壽豪情飛
紫裘王郎奏新弄驚起烏鵲無枝依八百卅年一彈指笠
屐丰神尙如此洞酌亭上識遺像鬚眉雅與陶廬似清都
道士徑幽琳與公生年同丙子更有幕府老沈達飄泊廣
南窮不死三人蹤跡渺難詳皆以生年顯驥尾先輩風流
賦樂神良會自昔推綿津後來冶城更繼起孫郎才調高

絕倫我吳壇。姑久無主題襟。誰復聯今雨。家家腹臘祀黃
羊。不爲髯翁薦芳醴。風雅主持賴。寓賢玉梅花下分朋簞。
醉寫松鶴爲公壽。南飛一曲娛神絃。若準賈島祭詩例。遲
鴻最是嘔心篇。下走深慚與雅集。圍鑪歡笑驅煙墨。但願
朋好不分張。白髮年年作生日。

輓高碧湄刺史

逝水不亭壑。賈槁無遺枝。年命嗒然謝。顏跼同所歸。獨茲
赫赫名。不隨秋草萎。翰墨有勳績。政化有去思。硜硜高使
君。挺秀西江廩。宅性固英亮。蘊才特瓌奇。豫章魁壘藪。易
堂揚其藁。近稍驚空誕。偶說無垠涯。繫君媚古學。眾籍勤
討治。故訓師浚長。靡綺斥總持。鑽玩日以久。下筆言纚纚。
江山發奇藻。金石助偉辭。上者排屈宋。次亦體陶韋。斯道

久堙暖顛倒造化兒高才坐磨蝎殺譌黑與雌謂當揆天
庭激昂青雲姿威鳳一振翰乃墮枳棘卑文章滿人口焉
抹臣朔飢故鄉正淪莽輦鼓天南陲歸耕守妻子荒山蕨
不肥長揖就幕府感此國土知謂曾文正決勝千里外石畫洞
險夷倚馬文立就輩流交嗟咨量采不終闕神駿無久羈
遂以令僕才枉屈理繭絲隨車樹甘雨吳儂春熙熙拔薤
億彊衙破柱禽姦私亮哉神明吏諸曹不敢欺倣俗假神
鬼荆巫而越譏青溪蔣侯廟雲陽帖鄴祠自從潛庵後光
景仍閃屍君獨奮廉蘇祕祝毆妖尼沈履與竈髻山聚立
時墮君知吳縣毀
清明山淫祠汪汪太湖水灌我千頃陂葑菱漸堙塞
撥淺伊誰施吳西十萬井歎嘆驚坼龜惟君軫民隱溝洫
書勤披露冕涉垌晦紆籌疏淪宜周覽地形勢脫略官威

儀畚畝及時奮雙流醺以廝鄭曰永利賴毗衣之食之

橫

金枝

功德在蒼赤豈少遺愛碑獨不悅大姓疆項難透迤

修篠有勁節幽蘭無俗輝退食理琴徽倒著白接離二三
歲寒友步履相追隨閉關或頌酒聯轡惟爲詩浮雲空得
失眾煦徒爾爲嗟君不偶俗過嚴澠與淄平生青白眼何
能悅蚩蚩天亦忌才雋張角叢嶽熾一官且未達胡乃朝
露晞伊余源江上舟行彭郎磯遠眺雙石鐘孤煙入翠微
羨君家山好只合卧荆扉豈料黃獨在杜陵歸無期今夏
予遄返嘗一過君移手搖蒲葵扇劇談風生頤座有傳鶉
觚星槎司馬星槎合并喜一時何圖素心契從此長別離天涯傳噩
耗聞之駭且疑卧病閱幾日服藥凡幾劑奄忽如此遽是
否誤庸醫君負七尺表落落長松指賦質極純固理當登

梨眉云何不半百中道崇醜夔君弟吏秦隴能聲隆隆馳
驚聞鄂跼折能勿摧心脾君有二藐孤少者纔勝衣父書
信能讀門戶未易支想君屬續辰神識亮勿衰興言念貽
厥淚下當如縻一廬寄吾吳鷓鴣枝可依曾樓高切雲中
皮千書紙君於寓館起樓貯書其中今夏始落成日夕板牀坐淵淵聞唔伊
君委恆幹去魂魄當樂斯蛹死有遺繭龍化仍留縈一編
志微錄集名香草規湘纍風旨極深隱字字吟五噫疇昔孝
標逝柳生君爲理篋遺禮堂幸未軼古誼良所稀今君甫
寫定後死更責誰賤子困行役側身涕漣洏年年賦傷逝
奚止黃墟悲恨無拚飛翼絮酒薦君帷遠念腹痛語此筆
哀江薩

書伯蘭員外

孚馨

詩集後

擗然天樂韻韶莖威鳳丹山羽夙成帝室雅才劉子政郎
官俊望柳耆卿江山奇氣歸吟筆絲竹中年寫至情話到
東阿舊儔侶端居每感綠苔生

陳培之
郎中

袁磨秋主政枉詩見贈次韻答之并效其體

高三十五今宿草

謂碧
澗

疇昔屢道袁生奇解若學人適我

願俶儻詩史非君誰搶枋奚恤鸞鳩笑棲棘祇憐鸞鳳姿
正賴使圖訂方國

君在譯署
繪邊界圖

漫將海棗斥安期

題徐昭法山水

乙酉春閱海王肆此幀弃置牆壁間蝨齧蠅玷識者少購
之三百青銅錢拂拭錦贖露奇秀平遠如見江南山昭法
先生昔飛遜弱冠早賦招隱篇布衣草履絕城市澗上上
沙誅一塵終身不受安邑餽日高往往無驚煙潛庵慕道

屏車騎末由一覩圖綺顏俗流好事幻贗鼎謂曾造鄰相

周旋骨董之羹不足道獨惜輕礪貞玉堅梁荏林筆記據

見過照法此出骨董家偽造不足憑也作此畫時歲癸酉是為康熙廿二年

不署元號題甲子柴桑思晉心曠然先生時年七十二懋

遺一老應華顛越歲甲戌便委蛻遺人間世登上僊先生卒於

康熙我因重續圖經記十年前曾寓犢川閒隨巾拂拜祠

下寒泉秋菊歌神弦澗戶無人夕陽靜時有白鶴飛上天

水流繞屋巖花笑但聞琴筑鳴涓涓上沙祠極卑溼于今聊浪萬

人海青山不到軒窗前芝蘭鶴怨良自媿衣化為緇何能

前秋風起今我當去扁舟采蓴西磧邊

丁松生文瀾歸書圖

孝惠始除挾書律屋壁山巖稍稍出是時篇牘極重大聯

以縹繩書以漆孝經行疏策謙半儀禮疏酒誥文繁簡脫一

漢書藝文志蜀客奏賦鉛須懷吳人炙字青乃殺風俗通義代以縑

素便齋持書之赫颺致縝密自是篇卷匙淪蕪荀經阮錄

代增益觀文實儲五十副江陵尚存七萬帙長興雕印既

雅與孟蜀書林更切益官本監本繡梓精晁氏陳氏簿錄

悉勤有堂惟仁仲遺元之建安余氏勤有堂當是仁仲之後陸親鋪乃道人

設宋陳道人書籍在臨安府棚北陸親坊金於平水置書肆元之興文務雕

版有明一代匙善本嘉隆以後槧尤劣秦晉趙藩皆刻書

不及會通與蘭雪會通蘭雪堂皆活字版也姚象皇趙清吳方忱與好

逐寫葉文顧大錢蒙毛子善鑒別宋元舊本什湮九賴有

諸賢訂墜缺我朝稽古軼漢唐延閣尊藏切雲棗純廟

特開獻書路謁者求遍東西浙大舫剗除方興偽汲冢攬

護師春逸序錄校上義放劉活版排成製沿畢草茅未窺
中祕書三閣儲珍逮英哲家家樂獻雞次典人人許入龍
威穴然脂懷餅士麕來從此儒風振揚越上者古訓鉤鄭
服次亦騷情揜賈屈餘子斷斷講版本元鈔宋槧森羅列
振綺汪暨拜經吳百宋一廬最奇崛云何菑晚極庚辛焚
如毒甚瀉池厄豈獨縑素充帷囊直以經典代薪蕪湘鄉
相公老開府手掃凶機扶日月卽亭厄厄求遺書會文正
命莫子偁大令采訪遺書既復江甯亟開書局刊刻經史四部先刊甲與乙同時爰有
丁龍泓祕閣篇亡心苑結抱持愈比杜林薈蒐集無逾任
昉切禮典往往出秦餘目錄一一訂魏闕隋志魏闕書
零錦斷好護持劍合珠還漸充實其功不在陳農下此事
留待程俱說程俱麟臺故事載永嘉舊本世尙多安得先

生盡搢擢

往在蘇肆見楚辭章句疑耀路賓王集等書亦文淵閣物

邇來橫海肆樓船

漢廷未暇修儒術頗聞守藏史不慎文德官書半放失

大典藏翰林院今存八百餘冊

子雲老作輶軒語素齋歸致並精絕

楊新樂

文在日本搜羅古籍黎藟薈齊觀察

海外不乏歆向流赤軸

青紙肆鉤抉

日人澀江全善森立之同撰經籍訪古志所載各書頗多奇秘

我思拄杖醫

無間一探東丹讀書室

慧琳大藏音義曰本人得諸高麗然則高麗固不乏古書也

送黃公度隨使歐洲

廣南古奧區魁奇所叢育我友黃長睿負才尤絕俗劬古

得謨觴討今圖織服十上不得志神駒恥趑趄爰作汗漫

游西行指柳穀在昔遼大石曾收印都族元祖見角端亦

著親征錄兩朝逞兵棱皆至海西曲沈

子何船

願號方聞迄

未定員幅煩君亟攷實歸來共揚摧大典圖書淵漁獵資

來學歲久漸淪蕪往往山巖伏頗聞倫敦城橐尙盈兩屋
顥君勤搜訪寄我采遺目

大典今存翰林院者祇八百餘冊傳聞英人購去儲博物院

宣廟昔季年海氛始漸張煙禁旣大弛五口遂通商埔頭
日以闢遍地班蘭裳邇來設海部相率談自疆旣購克虜
礮復置毛瑟槍戕戕鋼鐵甲靡千億佛郎利器不善用適
以齎盜糧金錢日外溢卮漏未渠央生民剝膏血坐是羸
且厖小夫驚執利狗態而悠腸器必尙服匿食亦羅湏漿
舌人語羸解著論已汪洋鄒衍書未讀便欲非三王藉此
弋聲譽取爵如爛羊可憐好家居都被纖兒撞望君作砥
柱努力事修攘管子權輕重商務卽濫觴墨子著經說起
重理已詳禮失求諸野制夷師夷長

魏邵陽語

要令重九譯事

我皇哉唐

王蘭字醉香歸安人光緒庚辰進士官戶部主事

過東塾陳先生故居

百年不可待當代失人師檢點遺書在徒令後死悲式閭
應有禮講學可無祠

及門諸子就菊坡精舍講堂之右爲祠以祀

宗派殊紛糾

中流更付誰

龐鴻書字劬庵號酈亭常熟人光緒庚辰進士改庶吉
士授編修官至貴州巡撫有歸田吟藁

雙銀杏歌

霜林脫盡長風勁老幹凌空勢特橫叢祠野岸俯寒潮對
立隱然君子正或云平仲乃古名葉如鳴酈森高擎肌理
細密類文木雕鐫裁製最中程仰觀有如雙闕列巨可蔽
牛堅多節膚皴石骨旁生癭枝蟠篆勢力屈鐵千年靈根

逃斧柯盤鬱不啻藏巖阿若非里社耆年慎護惜定煩雙
忠靈爽爲搗呵松禪作圖下筆迅咫尺儼如聳百仞寒林
詎必仿李成枯樹應知傷庾信我來摩挲坐樹側重披斯
圖三歎息圖今與樹屹相向喬木依然令人軾君不見梁
時七檜析作薪星壇荒穢叢荆榛又不見紅豆山莊化塵
坵野田孤幹無人問獨留此樹依寒塘兩蚪挺角立不僵
櫟社未邀匠石顧豈有黃鵠來翱翔亦知材大古難用磊
砢猶應爲世重小山之招在何許更擬作亭效楚頌舉杯
相酌仍留連回看林杪生暮煙息盦髯叟詩在手我欲和
之寫向石之右

周夢坡得貝葉梵文無量壽經將施諸西湖靈峯寺
法藏書來徵詩

蘭臺漆書成劫燼竹簡徒聞發汲郡大秦羊皮鞞而澤海
外流傳亦已僅祇園之樹森貝多諸佛成道嘗摩挲異種
來從阿耨達高柯不滅必鉢羅寫經功德虔釋子彼方初
未有側理傳樵梵本禮牟尼蘆爲不律葉爲紙華嚴字母
義蘊深宛轉能該一切音寫成誦習託忒語海潮音遍施
檀林靈文次第來中土繙經臺開互編組流支羅什各潤
色諸家定本或異詁初祖西來關上乘埽除文字說傳鐙
競依高座證密諦誰向珠林溯結繩夢坡居士今摩詰雅
愛聰琴與殊蜜駐足時聞簷蔔香寶蓋飛來照丈室忽從
異域得元珠不啻漢史藏壺盧祕篋攜來有耶舍真詮譯
出須曇謨靈峯連麓呼猿洞梅花彈徹聽三弄護持大藏
度高閣珍斯梵夾薦法供金牛湖上參金仙寶光應燭兜

率天山中老宿慎保守好與龍泓補舊緣

和城南漁隱送春詩

陳宮玉樹倏歌殘怕見飛花陣作團滿院陰濃誰是主一
池波皺詎無干頻將風信從頭數漫與星娥冷眼看稚筍
離根勤護惜猶應日日報平安

吳興劉翰貽以新刊雪橋詩話寄贈作此答謝

河岳英靈炳日星百年壇坫有遺型雞林聲價誰重問收
拾都歸野史亭

黃紹箕字仲弢號鮮菴瑞安人光緒庚辰進士改庶吉
士授編修歷官湖北提學使有鮮菴遺藁

詩話仲弢少承家學及入詞館雅負時名甲午後志
在經世多讀有用之書戊戌黨禍輟稿自全丙午以
考察學務赴日本爲其國學者推重詩不輕作亦
不存歿後如皋冒廣生從他處輯錄曾爲余題北江

舊廬圖云卷施之門如鐵立百輩伸頭不容入蒹花
開落經百霜晚得徐君掇其實先生直節高岩幾大
名上答慈母勞疾雷崇朝灑苦雨至今蕭竹干雲霄
徐君抗古生苦後哀哀勛勢亦有母出門橫覽歸太
息夢靚英靈一奉手乾嘉鼎盛多文儒摹寫馨逸心
自殊北江京華屢傲居君亦一宿猶蘧廬畫圖文字
皆寄耳萬事遷賢神明居蕭然四壁皆六合欲與幹
運元黃初涉江南征及徂暑舊是先生經行處道逢
佳卉似圖中詔我種作庭前樹

題王幼霞秋暮懷人圖圖爲某君寄江總棲霞寺斷

碑作

涼蟾窺戶天雨霜草木黃落雁南翔所思遠道不可見何
以遺我球琳琅琅南朝令僕兒戲耳文字翩翩差可喜缺碑
盤木昔所嗟丹青不渝今復爾憶昨將車鍾阜側過江名
士多於鯽酒酣說劍無留行念君縱橫埽破墨去年秋余
侍家大人
至金陵時節庵主鍾山講後珊嚴飈颯違清尊芟荷落
芸子季直禮卿伯嚴皆會焉

盡風漪痕青山一髮江南路我亦懷神虞道園

題黃山谷三游洞題名

光緒癸卯七月訪叔弟縵庵於宜昌八月五日偕至三游

洞於洞內深黑處得山谷老人題名按山谷以紹聖二年謫黔州時年五十一伯氏元明同行黔南道中日記云三月辛亥次下牢關此刻正在其時三月下卽辛亥二字也幸紘時爲巫山尉子大方並侍行紘字系旁視放翁入蜀時所見已少泐矣流傳絕少熱火摩娑歡喜贊歎

涪翁西行五十一我今五十學隨緣風中鴻雁重來集過眼江山九百年

萬鏃離絃韻有餘鶴銘雁塔勢縈紆此行人與書俱老悟入長年打槳初

巖岫新奇未賦詩重局秉燭有微思散花一著終成累寄

語人天共護持

聞一妄人欲剽去刻別字有尼之者得幸存陳雲仲太守屬爲勒石其旁護之

題歐陽公三游洞題名

十六日再至三游洞又得歐陽公題名石刻於洞內右壁

校放翁入蜀記字略同惟四字下年字今全泐丁
 字下諦審是元珍二字為歐公同年丁寶臣之字
 南宋時已為妄人加刻畫故放翁疑其不類耳岫
 穴深黝塵翳已久初至竟失之宜居人過客之不
 及知也六一題名
 尤罕見致足寶貴

彝陵山水奇入峽此東道千峯縹翠壁劃然發天巧元白
 蘇黃陸行旅有述造千載山主人卓犖餘文藻放翁昔搜
 尋泐缺知已早拂塵驚乍見懽若墨未燥石龕故易剝穴
 黑得常保公昔奉母來江鄉足魚稻縣樓日對山覃拏職
 方考公為令時纂五代史嘲弄時間作吏牘襍詩稟想當清秋初泝
 川消積潦石乳凝雲扁巖蔬照晴昊判官夙同調緣險恣
 幽討淋漓修史筆懸壁偶一埽引繩無畷斜濡豪絕瘠槁
 乃知大賢心精氣常在抱令君無結銜庭趨甯足惱公視
 官如家視民如襁褓追俗玩歲月自分桐鄉老豈知屢起

蹶入汴鬢已皓夢中渡橫查苦憶山縣好東山有題詠漢
廟間祈禱遺文猶在誦貞石翳荒草寥寥殘字在永爲茲
山寶

縵庵合裝歐黃題名懸齋壁並題一詩卽以爲別

廬陵少孤貧不憂登朝一節論千秋波中金石仰看物著
書不足來尋幽維摩老子稍後進文章不同有心印書骨
權奇如其人未得書碑聊自運歐公至喜堂記此谷書國
初殘石尙在徧訪不可得
當是東還
後所書二公氣立萬物表白傳西來恨太早中間題壁

有蘇公作詩父子三人同蘇公兄弟晚飄泊壁詩磨滅無

由蹤三蘇至三游洞皆有詩東坡有三絕
句留石壁放翁已不見知磨滅久矣尹余繼去眾已

駭元祐黨碑滿天下平生師友如雲龍萬事升沈付埃馬
歐公有母黃有兄至樂天與誰能傷但說山川蒙藻續豈

知點畫含風霜縵庵縵庵來惜別吾家風義足可惜公家
事了栽紅梨烹茶讀書且面壁

題林文忠日記

撮土湏河計已疏邵陽平議意何如玉堂風日清閒甚頗
擅當時院體書

題陶齋所藏秦權

秦廿六年并天下刻辭金石壹華夏萬事如畫明無疑咸
陽宮中鹿化馬百斤量衡書中程千石鑄錄金銷兵此權
當時在何許王府和鈞儻有名尙書者奇勤攷釋藏權凡
七此盈石隗林隗狀知誰何太息摩挲相斯蹟

題李文石太守明湖秋泛圖

岱陰逶迤截濟瀆骨走鵲華才一束涌泉望海無由趨萬

斛珠璣落鼎腹大明寺杳楸桐高厯下亭存荷蓼馥我侍
輶傳三春風坐卧湖濱飲山渌晴嵐摩空起南障時擣波
心拾蒼玉遠懷濟南名士多于鱗貽上不可復柳零一遂
寒燕歸憔悴煙條爲君綠紅螺公子昔妙年天藻秀出乾
嘉前暫依芙蓉泛綠水繁會竽瑟張瓊筵青簾白舫到秋
晚往往醉筆回春妍海棠泮邊舊埽石牛鐸安得黃鐘聯
不惜我歸遽不惜君來暮但惜湖山明麗無處無條忽轉
蓬云何住廿年交臂鬢頭霜同照黃河濁流處披尋游蹟
墮渺茫何況白雪夫于翳荒樹我家甌海君遼河風雲變
態朝昏多巫閭雁蕩倚天望念此坐損朱顏酖卽看圖中
歌舞意絳唇玉貌今柰何但說淨地如明鏡焉知新水非
故波波流自轉心自定人濁何由我獨淨要迴眾生大海

光與君共適濠梁性浩然東顧發長謳他日臨流須一證

留別編書局同人

少作雕蟲悔已多九流晚出各殊科微言大義愁乖絕舊
學新知賴切磋黃帝教來烏拉嶺素王書過幹難河鎔模
采算勞甄錄江上精廬眼細摩

留別譯學館同事諸君

結想無窮力不任住思避席去沾襟倚蘭傍玉愁非質叩
角鳴宮感合音風暝漸扶荷出水露濃剛護柳成陰漢江
夜夜嬋娟月長照佳人萬里心

留別譯學館諸生

仍歲公宮左相將望玉繩范金空有願攻錯媿無能浩劫
三彈指良醫九折肱憂時與惜別此意淚難勝

象胥周諭說，翰使漢方言。官失才難就，時窮學愈悛。峽嶂
憐歲月，辛苦挂乾坤。老病滄江去，相期答聖恩。

遷居學署答梁節庵同年

一笑相逢念九春，驚看萬事逐年新。定巢畫閣分鄰燕，入
夢香爐識殿麝。歲月崢嶸容暫合，乾坤蕩莽老逾親。病中
種樹從君學，留待成陰付後人。

過盧生祠作

河朔英宗妙少年，津梁未倦遂超然。霓裳法曲昇僊頌，虛
擬凌雲亦可憐。

王詠霓字子裳，黃巖人。光緒庚辰進士，歷官鳳陽知府。
有《函雅堂集》。

會向

會向湖山走馬來側身高望一銜杯銷沈龍虎餘王氣莽
蕩乾坤憶霸才百代衣冠空梓椽千春金盞出蒿萊昨宵
倚枕秋風急夢入華胥又放回

送高儀卿廣文鴨歸海昌

廣文先生老講畫白首翻然懷故鄉書學逼真韓禮器情
時無恙魯靈光吟鞭穩遣兒曹執餞榼猶多弟子行向後
支筇暢游覽鹽官春發萬花塘

鄧嘉純字笏臣江甯人光緒庚辰進士歷官處州知府
山行卽事

酒鎧吟鞭及早秋山中景物劇情幽漚麻村落水當戶種
菊人家霜滿樓崖樹倒懸牛礪角溪鱗潛動鷺低頭據鞍
顧盼忘飢渴一味清涼散客愁

西師

隴右仍烽燧關中倏犬羊頗思蕭相國願覲郭汾陽道遠
軍儲竭風顛大樹僵愁看日落處塵霧混微茫

題畫

瓜皮艇子繫江干江水茫茫江月寒人與沙鷗齊睡熟蘆
花偷上釣魚竿

袁鵬圖字海帆天台人光緒庚辰進士改庶吉士授建
安知縣有袁太史遺詩

送友人南旋

歛然聲價出江東力守經師繼漢風香國奇才如子少天
涯涕淚幾人同自慚待詔金門側常共深談漆室中朝野
恬熙吾輩老憑誰上策定和戎

毛徵字叔雲仁壽人光緒庚辰進士改庶吉士授滕縣

知縣有穉游詩集

詩話叔雲早有文譽與喬茂軒左丞齊名座主吳子
儁編修爲賦蜀兩生行作合河濟間善治盜書生而
有健吏之稱詩才藻麗鋒發有西園引用長慶體賦
意圖明園舊事篇長不錄其過鍊者差有玉溪深婉之

揚州文匯閣四庫全書殘葉歌

純皇邇治深宮閒羽陵蠹簡高於山飛仙捲幔帳殿啟袞
衣步坐開天顏親御丹毫加點勘漏箭將終月西暗翻然
黎火照人間欲網珊瑚歸鐵纜荒林破冢夜有光東壁射
地寒生芒大開虎觀購遺佚九州岳牧皆奔忙諸儒校纂
目晴喪直拓殿庭排縹緗侍書內史跪進膳玉觥滿飫蒲
萄漿序錄初成屢召見跼踖褒貶提宏綱字字曾過聖人

手每逢子午生天香更憐禁藥人罕至特貯行宮及山寺
此事古無今始聞萬手叢鈔衍巾笥老龍借讀亦解嘲五
更攫取乘風濤蒼崖很石爪痕裂琅函半惹腥涎膠轉眼
邗溝烽火急按籍徵名百亡十金山樓閣燒成灰西湖棄
紙無人拾一編乍展先鳴悵段段銀光布紋澀摩挲想見
乾隆日崇文總目那能及牆隈短檠秋雨溼空山回首飛
雲立腐儒寒餓何能爲獨抱殘經草間泣

萬壽閣對月望嶽

春月升首陽照見希夷宅清光滿關中不與大河隔三峯
吐靈氣縹緲越終夕仙掌金風寒涼露下流腋誰傾東海
水洗此月上石竹柏莖稀微淡墨繪虛白丹房發椒光巖
畔大星赤短松如老翁散髮蒼龍脊彷彿玉女鬢香雲起

益拆欲歸顧我影我影布瑤席鐘聲忽飄墮無人半天碧

渡海

夜上碣石門青氣如燈懸揚舫出浦口沙草黃無邊鰲山
望孤嶠歧海侵秋暝朱燭燭錦泖綠煙冒鹽田地高樹猶
見隄隱波始圓去鳥識遶水落日知吳天冶冰紫瓊冷陰
火丹渠然文螺化鸚鵡彩蚌嬌蟬蛸拾月惡溪詠阻風春
草篇無爲效安石酣暢催言旋

簸卻蓬萊山填取碧圓海玉沙清淺流種桑應好在傳聞
祖洲上瓊田收十倍菰苗如翠眉旭露發紅彩褰裳不肯
去祖龍老應悔蒼苔鞭石橋沈波卧千載白日那可駐青
春向誰買壺頂芝正肥遲回欲何待

舟軋水底天笑指石上月玉珧照珠池蚌華被銀闕鵬鵬

四溟翻鼇抃五嶽沒縱任無遠近憑虛得超越儻遂淩朱
厓何由鍊金骨甘英度西海終童下南粵壯游恐不遂江
晚蕙芳歇峨眉歸讀書青山未華髮

軒轅

軒轅宮殿玉山西瑤水曾巡八馬蹏萬國爰閭王會少七
雄裨海霸圖低從知鬪蚌無生鵲須識連雞有駭犀日入
虞淵天所覆不應空恃一丸泥

泊宜昌

江上荒城長綠苔二千年事去難回風前楚火兼星亂雲
外巴船帶月來鄉信更無寒雁寄吟聲空和暮猿哀洛陽
才子頭今白不到長沙意已灰

四時主祠望海

阿房宮殿久成灰猶賸滄溟百尺臺立石可能天作柱憑欄方信海如杯煙雲忽擁秦橋出風雨愁移越冢來楊僕樓船無一在九重空想伏波才

穆屯將歌

維州穆蕃將嘗從征江南黔中庚申將三百人援井研過吾鄉部卒置雞子掌中百步外發銃卵潰而掌不傷攫小兒餅置額上火舉餅心墜後數十步餘餅邊如環插刀於土銃響刀斷稱之輕重適均有強取市傭菜者立斬以徇與賊戰累勝同官忌之陰與賊通遂盡喪其精銳痛哭而返旋以非罪死

將軍養士如養葵發縱指喉追煙颺魚腸刷土松紋膏白羽朱肉嘯哀猱石頭城下跳重濠黔西猛獸紛騰逃紅勒盤雕蕃錦袍團花漬血鐵不撓憑軾大呼風怒號豎髮上指星生毛腰間淡淡流秋濤馬颯四舉空中高近不見人惟見刀磨盾刮甲聲噉嘈冤霜一夜零蓬蒿旂常日月無

勦勞國士坐法緣連敖符鳩啞啞悲雲旄陸剗犀兕水斷
鼇兜鏊貂蟬榮汝曹

峨眉縣

古槐夾道小郵亭蠟樹平田歲暮青水色過清知雪化土
膏微冷帶雲腥農分供石爭山界僧送春茶入縣庭只有
中峨看不足乍如眉影乍如屏

峨眉應以二峨爲正未至縣數十里卽望見翠屏在

煙霧中一日天霽忽變蛾眉乃知前者雲氣攔山腰耳

登峨眉

岷南土色赤返照萬峯濯金燄出火山槎枒歧鹿角今夕
尙在平不寐聽仙樂山影墨頭上天倒壓屋桷推窗看西
嶺林木遠如幄月落未落時紫翠眩斑剝三峨蕩雲海波
心一錐卓光怪悸我魂夜寒夢游嶽

斜徑出林薄，彎弓散飛橋。黑白二蛟舞，對戲千珠跳。風滿細皮皺，觸首朱欄搖。迅雷轉萬壑，亂石鳴簫韶。楚狂洗耳聽，五夜迴松濤。鳳兮作歌去，華嚴山月高。

獨行天門口，手掠太白腳。山下暝已深，山上日猶落。何時闕空境，憑虛造樓閣。俯視不見地，積氣浩漠漠。人語煙中流，頭上孰騎鶴。霧消瞰蔥嶺，青天插霜鋸。崑崙伏檻外，墨浪盡東躍。茲游冠平生，論功策芒屨。

振衣躡金頂，捫天陷深碧。獨尋黃帝鑪，爛醉五色石。知與人境隔，今夕識何夕。夜半誤打鐘，驚落星滿席。下牀踏珠斗，拾得半規璧。夢中游化城，醒後了無跡。他日乘雲來，誰此網喬舄。

趨下大峨石，再過杪欒坪。來時險絕處，重到路欲平。風泉

灑珠玉就枕神魂清
孫翁古銅罐量藥手
自烹澗篠及崖杉
火發寒琴鳴雷威披褐裘
雪中聽松聲空山滅人跡
知君何處行

蓐食訪九老直入地底天
秉燭暗有聲策策霜葉燃
竹下見虎跡苔上聞龍涎
白雲漲幽谷小語萬竅傳
老僧不識日黑影坐一磚
瓊戶莫敢撞或恐驚諸仙
陰河滄海通何年撐鐵船
雞鳴化爲石洞口迷寒煙

石上看日落赤盆爛詭暉
檐前撫冰柱白玉大十圍
著屐草際路荷杖林中扉
露下鵲初警月明僧正歸
天風翦鮐綃瀑挂纖玉機
銀漢水氣涼暑月侵我衣
想像鳳鸞舞鵝笙吹翠微
仙童化青鳥飄然雲際飛

澄碧古潭沙落木號西崖
龍子三寸餘頭角藏風雷
海水

縮歸鉢養此千歲孩鐵鎖南極垂石扇中天開瓊樓十日
出花發金銀臺玉女千餘人飄飄凌九垓雲璈輟靈響貽
我鏤霞杯躡煙笑相語漢武非仙才

石景山有感

昆明湖上晚煙蒼講武當年此校場霜葉高翻黃屋燾雨
莎平卧綠沈槍蜺旌不復從天下虎帳誰親近日旁六十
年間秋草淨臂鷹老校曬斜陽

道光以後三朝
皆不舉大閱禮

舟曉

孤舟寒雨泊荒城風定灘低報遠更二十五聲秋點盡沙
頭人語未天明

季解專使回卻寄

與爾當時事醉翁豈知今日獨飄蓬柴關聽雪三年後

庚辰

機中遇
雪最多石壁看雲九月中魚洞水來山更綠龜亭嵐破菊
初紅扁舟不得同游賞腸斷江樓一笛風

夢歸

羽衣飛過大河流下瞰陳倉舊酒樓華嶽空青鐘半夜劍
門深碧月中秋峽雲香散三千里峨雪光寒四百州鶴背
何人坐吹笛相逢笑語錦城頭

日觀峯

封中玉暝日生煙縹緲無雙拄杖前遠翠數峯三島出空
青一氣九州圓何當過海雲如地徑欲乘風石作船蟻蝨
小臣頭已白夜壇棗脯學祈年

超然臺獨飲

我官於東不記歲胸中蟠鬱生之而幸辭奔走得閒曠如

脫桎梏離鞭管入境喜見麥苗秀春風先已蘇瘡痍書聲
徧野訟牘少天哀老拙真相宜却淇城郭好圖畫門闌處
處蘇家詩山堂怪石散民舍西園馬廐頽無遺超然高臺
獨無恙臺人北康熙中蜀人羅廷璋爲令重築海山萬疊青鬚眉廚傳雖空
似當日亦有杞菊療吾飢況聞市舶百里外吳蕁越醬香
流匙鼠姑蘭栗石首上桃花紅落銀刀肥縑帶魚一名銀刀海產無多於此
沙中筆管巖下月清腴不減西家施蜆生沙中以細如筆管者佳鮑附海
底巖石壳圓如月蛤之絕美者名西施舌先生舊云本爲口摸金校尉甯非癡
近年提地丁漕折盈餘至三四州縣公使錢根刷已盡今
年銀貴罄所人不足供額解非鬻田宅無以償州縣求法
不得遂有無毀無譽我所願不烹不封聊爾爲且學杜門
不可問者飲美酒醉後登臺來讀碑

顧蓮字香遠號復齋江蘇華亭人光緒庚辰進士改庶

吉士授梁山知縣有素心蓀集

醉後述懷

露冷霜高起暮碁六張五角費沈吟春蠶自縛全身繭秋
雁終存萬里心可奈紅牆涼漢迴誰憐翠袖曉寒侵年來
亦有消愁處鐙在檠時酒乍斟

楊依斗字曉亭衡山人光緒庚辰進士官蘭山知縣有
曉亭集

慰子捷時主講琅琊書院

杯水消容橫海鱗牢愁強半付詩人東風枉屈金閨彥皓
雪宜燒石凍春明復聲名從此大文中生計未全貧歲華
好在天猶近且向寰中著此身

晚晴移詩匯卷一百七十二終